

傷寒論後條辨

卷末

傷寒論條辨卷之九

新安程應旄郊倩條註 門人朱元度月思按

辯少陽病脉證篇

少陽在六經中典開闔之樞機。出則陽。入則陰。職守最重。非若他經之於表裏。截然不相管攝也。以陽木而具風火之體。凡客邪侵到其界。裏氣輒從而中起。故云半表半裏之邪。半表者。指經中所到之風寒而言。所云往來寒熱胸脇苦滿等是也。半裏者。指膽府而言。所云口苦咽乾目眩是也。表爲寒。裏爲熱。寒熱互拒。所以有和解一法。旣以柴胡

解少陽在經之表寒。黃芩和少陽在府之裏熱。尤
恐陽神退而裏氣虛。陰邪乘虛而起。故以薑棗人
參預壯其裏氣。三陽爲盡而三陰不受邪。方成妙
筭。觀其首條所揭口苦咽乾目眩之證。終篇總不
一露。要知終篇無一條不具有首條之證也。有首
條之證而兼一二表證。小柴胡湯方可用。無首條
之證而只據往來寒熱等。及或有之證。用及小柴
胡。府熱未具而裏氣預被寒侵。是爲開門揖盜矣。
蓋裏氣虛則萬不能禦表也。識透此訣方可讀仲
景少陽篇之論。與夫條中之所示之所禁之所加。

邪在太陽唯
陽明能招唯
少陽能拒陽
明不招則太
陽之邪換散
無歸少陽不
拒則太陽之
邪搗驅莫抵
一招一拒皆
賴本經陽氣
爲之主

減而爲從表從裏。及一切斟酌之法。不然汗吐下
之所禁。未必犯及。而先犯及。本方之黃芩。迨至七
八日。而陽去入陰。此時卽能救誤。所失良多。况入
陰。卽見燥煩等證。不遇明哲。安識其爲陰者。故所
貴圖。幾於早也。余目擊世人之以小柴胡湯殺人
者不少。非其認證不真。蓋亦得半而止耳。今余稍
稍條出。庶幾其思過半乎。

少陽證具。而犯及汗吐下三禁。防其屬胃。所云發
汗利小便。已胃中燥煩實。大便難是也。少陽證未
具。而犯及小柴胡。防其寒中三陰。諸死證。此其嚆

矢矣。可不慎哉。蓋胃陽不衰。三陰斷無受邪之理。少陽纔病。木鬱而不得升。輒來侵土。所賴陽神用事。陰邪不至。竊發。凡少陽之有小柴胡。爲木火幾欲通明者。設苟無故而剗及其陽。土憊則水凌上。熱未除。中寒復起。少陽失生發之氣。亦復變爲寒。木陽已入陰。世人猶曰傳經無寒。噫嘻。卽令傳經無寒。而誤服黃芩。又安知黃芩之不爲直中乎。是可與賢者道也。

少陽之爲病。口苦咽乾目眩也。

經曰。太陽爲開。陽明爲闔。少陽爲樞。表邪從開處

欲。閣。裡。氣。從。閣。處。欲。開。兩。邪。互。拒。於。其。樞。遂。成。少。陽。之。爲。病。矣。少。陽。在。人。身。爲。甲。木。相。火。寄。居。於。此。寄。火。無。根。故。邪。多。從。升。處。而。見。諸。所。絡。之。空。竅。口。苦。咽。乾。者。火。因。木。鬱。而。蒸。也。目。眩。者。木。因。火。煽。而。搖。也。此。少。陽。府。邪。見。証。屬。之。半。裏。與。經。邪。之。屬。表。傳。者。對。待。方。成。半。表。裏。首。條。揭。此。乃。少。陽。之。主。證。貫。及。通。篇。凡。用。小。柴。胡。湯。須。以。此。條。作。骨。子。○半。表。者。表。非。全。表。表。至。此。已。離。表。之。半。而。抵。於。少。陽。之。外。界。半。裏。者。裏。非。全。裏。裏。在。此。僅。據。裡。之。半。而。角。于。少。陽。之。內。界。表。先。而。裏。後。表。往。而。裏。來。表。攻。

入裏不解則
成骨蒸癆瘵
入陰漸深則
爲厥逆亡陽

三百
二二

而裏拒表爲客邪裏爲主氣表裏之間兩邪排籠
各無進退是爲相持從交開去表還於表分裏卸
其裏勢是爲解局表并于裏則爲熱是爲入裏厥
陰篇中所云熱氣有餘者是也裏爲表并則成寒
是爲入陰厥陰篇中所云陽氣退則爲進者是也
少陽厥陰府藏雖不同病情則同厥陰有陰陽之
勝復萬不可使其陽退陰進少陽有寒熱之往來
萬不可使其陽去入陰入裏不辨往往從病
中釀出無陽之局則小柴胡不可不慎用也

傷寒五六日中風往來寒熱胸脇苦滿嘿嘿不欲飲

食。心。煩。喜。嘔。或。心。中。煩。而。不。嘔。或。渴。或。腹。中。痛。或。脇
下。痞。鞭。或。心。下。悸。小。便。不。利。或。不。渴。身。有。微。熱。或。欬
者。與。小。柴。胡。湯。主。之。

少陽無自受之邪。俱屬太陽逼蒸而起。故曰傷寒
中風。非寒傷少陽。風中少陽也。職屬中樞。去表稍
遠。邪必逗延而後界。此故曰五六日。少陽脈循脇
肋。在腹陽背陰兩歧間。在表之邪欲入裏。爲裏氣
所拒。故寒往而熱來。表裏相拒而留於岐分。故胸
脇苦滿。神識以拒而昏困。故嘿嘿。木受邪則妨土。
故不欲食。膽爲陽木而居清道。爲邪所鬱。火無從

或之云云以
少陽狂入身
爲遊部爲紀
也

泄。逼。炎。心。分。故。心。煩。清。氣。鬱。而。爲。濁。則。成。痰。滯。故。
喜。嘔。嘔。則。木。火。兩。舒。故。喜。之。也。此。則。少。陽。定。有。之。
證。其。餘。或。之。云。云。者。木。體。曲。直。邪。之。所。湊。凡。表。裏。
經。絡。之。罅。皆。能。隨。其。虛。而。見。之。不。定。之。邪。也。據。證。
皆。太。陽。經。中。所。有。者。特。以。五。六。日。上。見。故。屬。之。少。
陽。合。之。上。條。彼。爲。半。裏。此。爲。半。表。兼。而。有。之。方。是。
小。柴。胡。湯。證。柴。胡。疏。木。使。半。表。之。邪。得。從。外。宣。黃。
芩。清。火。使。半。裏。之。邪。得。從。內。徹。半。夏。能。開。結。痰。豁。
濁。氣。以。還。清。人。參。能。補。久。虛。滋。肺。金。以。融。木。其。草。
和。之。而。更。加。薑。棗。助。少。陽。生。發。之。氣。使。邪。無。內。向。

腹痛為太陰
證少陽有此
由邪氣自表
之裏裏氣不
利所致

也。至若煩而不嘔者，火成燥實而逼胸，故去人參。
半夏加瓜蒌實，渴者燥已耗液而逼肺，故去半夏。
加瓜蒌根，腹中痛者木氣散入土中，胃陽受困，故
去黃芩以安土，加芍藥以戢木，脇下痞鞭者邪既
留，則木氣實，故去大棗之甘而緩，加牡蠣之鹹而
更也。心下悸，小便不利者，土被侵則水氣逆，故去
黃芩之苦而伐，加茯苓之淡而滲也。不渴身有微
熱者，半表之寒尚滯於肌，故去人參，加桂枝以解
之。欬者，半表之寒湊及於肺，故去參，棗加五味子。
易生薑為乾薑以溫之。雖肺寒不減，黃芩恐木寡。

邪在少陽是表寒裏熱兩鬱而不得升之故小柴胡湯之治所謂升降浮沉則順之也

過經者從日子之計也非邪已過經也不解者表邪仍在故也

於。畏。也。名。方。以。小。柴。胡。者。配。乎。少。陽。而。取。義。至。於。制。方。之。旨。及。加。減。法。則。所。云。上。焦。得。通。津。液。得。下。胃。氣。因。和。盡。之。矣。○。上。條。既。揭。出。少。陽。之。爲。病。故。此。條。只。承。以。傷。寒。中。風。示。人。以。有。首。條。之。證。故。得。爲。少。陽。病。不。然。諸。證。只。是。傷。寒。中。風。耳。木。中。之。火。未。起。於。少。陽。之。爲。病。尚。非。全。局。面。可。見。首。條。所。揭。少。陽。之。爲。病。關。係。最。重。不。有。少。陽。風。寒。長。驅。搗。入。陰。經。誰。爲。之。抵。關。者。故。有。十。三。日。過。經。不。解。者。全。賴。少。陽。之。勢。不。解。經。雖。過。而。風。寒。總。未。嘗。過。也。未。嘗。過。者。不。得。過。也。

傷寒中風有柴胡證但見一證便是不必悉具

傷寒中風非另提頭從上條承下該盡往來寒熱等之半表證言有柴胡證則專指首條口苦咽乾目眩之半裏證言但見一證便是不必悉具緊貼

在傷寒中風上講上二句一直說下下二句跌轉

去說傷寒中風證之屬半表者多而雜柴胡證之

屬半裏者少而專無論傷寒中風有了首條之證

則柴胡已為定局其傷寒中風之屬半表者但見

一證便是矣此處說一證便是言外便有悉具都

不是處只以首條證有無為準不以傷寒中風證

病有本病有相因之病三證有一不通病則俱病法

存治其本病
相因之病自
解

三百
三

一。悉。爲。準。○云。便。是。云。不。必。言。外。更。見。得。便。屬。樞
機。受。邪。有。表。卽。不。可。竟。汗。有。裏。卽。不。可。竟。下。意。
傷。寒。四。五。日。身。熱。惡。風。頸。項。強。脇。下。滿。手。足。溫。而。渴
者。小。柴。胡。湯。主。之。

試。舉。一。不。必。悉。之。證。例。之。傷。寒。四。五。日。疑。邪。之
逗。留。者。尚。未。久。然。視。其。表。已。非。全。表。矣。惡。風。是。表。
而。身。熱。惡。風。較。發。熱。惡。風。已。近。裏。一。層。項。強。是。太
陽。而。頸。項。強。較。頭。項。強。痛。自。是。低。一。步。况。更。有。本
經。脇。下。滿。一。專。證。以。驗。之。知。離。表。之。邪。已。抵。於。少
陽。之。外。界。但。使。手。足。溫。而。渴。之。中。夾。有。口。苦。咽。乾。

目眩之半裏證而來經邪欲隨府熱而化火此其
兆矣又何待往來寒熱等之悉具而小柴胡湯始
可主也○此證不但尚有太陽而身熱頸強已稍
兼陽明一以小柴胡主之者表裏經絡原自相通
少陽其樞機也樞機一碍則無不碍從而舒之使
勾萌得達雖有他經之邪無不從樞機爲宣暢小
柴胡所以得和解之名也

凡柴胡湯病證而下之若柴胡證不罷者復與柴胡
湯必蒸蒸而振却發熱汗出而解

不寧是也○卽柴胡湯病證已經誤治而裏證無傷○

柴胡證不罷
重在陽氣尚
旺木火兩鬱
上看

三百
三五

不妨仍作小柴胡湯處治。有如下之一法。柴胡證之所禁者。犯此須防表邪乘虛而入。壞病隨成。不復留此柴胡證耳。若柴胡證不罷者。則裏氣尚能拒表。樞機未經解紐。復與小柴胡湯。使邪氣得還於表。而陽神內復。自當蒸蒸而振。振後却發熱汗出。解證如此者。以下後陽虛之故。不虛則無此矣。使舍柴胡而更用他藥。其變證反有不可測者。得病六七日。脈遲浮弱。惡風寒。手足溫。醫二三下之。不能食。而脇下滿痛。面目及身黃。頸項強。小便難者。與柴胡湯後必下重。本渴而飲水嘔者。柴胡湯不中。

與也。食穀者噦。

柴胡湯之所宜者。雖不盡於上條。而一隅三反。可
以存乎其人矣。顧有所宜。卽有所禁。知柴胡湯之
所宜者。不必柴胡證悉具。而後宜之。則知柴胡湯
之所禁者。亦不必柴胡證之不具。而後禁之。請一
舉其例可乎。只云得病不云傷寒。其無少陽首條
之貫證可知。則六七日內。亦不必詢其病之何從
得矣。只據其脉證。脉遲浮弱。浮爲在表。遲則爲寒。
卽在陽明。已爲表熱裏寒之診。况更加以弱脉之
虛證。惡風寒而不發熱。只此一脉一證。徵之。其爲

不但此症凡
傷寒食少而
渴當和胃氣
以回津液爲
主白水茯苓
是也若用涼
藥損動胃氣
越不能食矣

陽○氣○怯○懦○可○知○不○但○無○他○裏○證○并○無○口○苦○咽○乾○目○
眩○之○半○裏○證○可○知○僅○賴○胃○中○綫○陽○留○此○手○足○之○溫○
苟○至○二○三○下○而○妄○奪○去○以○致○胃○寒○格○及○穀○氣○不○能○
食○矣○土○虛○無○從○安○木○脇○下○滿○痛○矣○土○氣○不○內○注○則○
外○蒸○面○目○及○身○黃○矣○胃○陽○虛○而○筋○脈○失○養○頸○項○強○
矣○胃○汁○竭○而○津○液○無○輸○小○便○難○矣○較○之○前○一○條○身○
熱○惡○風○頸○項○強○脇○下○滿○手○足○溫○而○渴○之○證○豈○不○依○
稀○悉○具○然○彼○具○裏○熱○此○則○裏○寒○半○表○雖○同○半○裏○異○
矣○溫○中○救○逆○之○不○遑○奈○何○復○以○誤○下○變○成○之○壞○病○
當○柴○胡○未○下○之○經○病○治○療○後○必○下○重○者○脾○孤○而○五○

幾微疑似之
間遂成壞病
祇是虛及裡
氣引邪入內
故也

液注下液欲下而已無液可下則虛虛之禍因裏
寒而益甚耳遇此之證無論無裏熱證卽有裏熱
證亦屬假熱柴胡湯不中與也聊拈一渴證以辯
別之前條之手足溫而渴者熱在裏自能消水今
本渴而飲水則嘔知其渴爲津亡膈燥之渴中氣
虛而且冷究於胃陽何有然則柴胡湯之於少陽
豈可云但見一證便是乎又豈可云下之而柴胡
證不罷者復與柴胡湯乎食穀者噦言胃氣虛竭
也以和解表裏之柴胡竟成一削伐生氣之柴胡
似是而非祇緣首條之證未具於此知所禁卽於

此○知○所○宜○非○柴○胡○之○有○兩○柴○胡○也○

太○陽○病○過○經○十○餘○日○心○中○溫○溫○欲○吐○而○胸○中○痛○大○便
反○澹○腹○微○滿○鬱○鬱○微○煩○先○此○時○自○極○吐○下○者○與○調○胃
承○氣○湯○若○不○爾○者○不○可○與○但○欲○嘔○胸○中○痛○微○澹○者○此
非○柴○胡○證○以○嘔○故○知○極○吐○下○也○

上○條○以○胃○虛○證○似○柴○胡○然○更○有○胃○實○證○似○柴○胡○者○
實○雖○同○胃○與○膽○不○同○則○模○糊○疑○似○之○間○小○柴○胡○一
方○固○不○可○用○之○於○當○溫○而○誤○伐○尤○不○可○用○之○於○當
攻○而○誤○和○也○得○舉○一○證○例○之○太○陽○病○過○經○十○餘○日○
經○難○捉○摸○據○證○矣○心○中○溫○溫○欲○吐○而○胸○中○痛○是

言欲吐時之象。溫溫者，熱氣泛沃之狀。欲吐則不能吐，可知胸中痛者，從前津液被傷，欲吐則氣逆而并及之。故痛着一而字，則知痛從欲嘔時見。不爾亦不痛。凡此之故，緣胃有邪畜而胃之上口被濁熏也。大便溏，腹微滿，鬱鬱微煩，是言大便時之象。氣逆則不下行，故以大便溏爲反。大便溏則氣得下洩，腹不應滿，煩不應鬱鬱。今仍腹微滿，鬱鬱微煩，凡此之故，緣胃有阻留而胃於下後仍不快暢也。病屬陽明證，反無陽明而只有少陽，其中必有所誤，故直窮其所以致證之由，而後可從證上。

認病未經吐下。則諸證尚是經邪作滯。邪未入裏。大便溏爲真溏。可責病根於少陽。若已經吐下。則諸證爲液去。胃虛邪得據裏。大便溏爲假溏。病根不在少陽。而在吐下矣。云先其時者。見未吐下之先。向無此證。證因誤治而致。其與柴胡證下之而柴胡證不罷者。自別緣吐下。徒虛其上下二焦。而中焦之氣阻住。升降遂從津液乾燥處。澁結成實。胃實則塘。故日進之水穀。只從胃傍溜下。不得胃氣堅結之。大便反溏。雖云胃實腸虛。而腸虛實由胃實致之。故溏者自溏。而屎氣之留中者。自攪擾。

不寧而見出諸證其過在胃故與調胃承氣湯一
蕩除之緣病得之吐下則腹滿微煩之裏證與口
苦咽乾目眩之裏證深淺分自別中上部自別故
雖外證頗似柴胡總不以下法爲顧慮不爾終是
柴胡證誤用調胃承氣爲犯經矣夫以但欲嘔胸
中痛微澹莫非柴胡證而曰非柴胡證者從何處
辯以嘔辯之柴胡證喜嘔若經吐後木氣已達不
復有溫溫欲吐之象縱使誤吐少陽他證有變而
嘔證則必罷今仍溫溫欲吐知非柴胡證之嘔矣
只此一證晰其非則凡諸證之屬膽屬胃不須另

諦及之而在調胃之爲宜在柴胡之爲禁已晰及
秋毫又何至爲病邪掩飾而致挑從李代也○仲
景之於醫心靈手敏不妨推爲醫門中離輪至於
精奇與妙幻出病機於字句間處處從規矩上授
人以巧聊以此條拈之心中溫溫欲吐而胸中痛
大便反澹腹微滿鬱鬱微煩此十一字豈非於病
上列出一呆題目令人做出一篇文章來合題定
治而題中有嘔有利欲於調胃上做此一篇文章
從何處下手仲景於題上已看得有四篇文章須
要存一篇做備卷塗抹去二篇方可從調胃承氣

以此一證而
界在柴胡調
胃間幾微疑
似取難剖析

篇○膽○清○出○來○世○人○不○曾○搜○得○其○備○卷○及○抹○卷○徒○讀
其○膽○清○文○而○贊○之○曰○妙○此○瞎○子○觀○場○附○和○而○已○其
膽○清○之○文○則○調○胃○承○氣○篇○也○此○篇○從○先○此○時○自○極
吐○下○者○八○字○結○構○出○來○遂○從○背○題○處○合○題○其○二○備
卷○之○文○則○柴○胡○篇○也○此○篇○從○若○不○爾○者○四○字○結○構
出○來○與○前○篇○先○此○時○極○吐○下○者○句○共○一○轉○轡○一○反
一○則○調○胃○柴○胡○遂○爲○同○題○異○義○欲○使○人○知○其○作○備
卷○之○故○特○從○合○題○處○取○背○題○曰○此○非○柴○胡○也○以
嘔○故○知○極○吐○下○也○設○無○極○吐○下○字○此○卷○定○從○嘔○字
膽○清○出○來○不○作○落○卷○矣○其○三○其○四○抹○去○之○文○則○結

構○俱○在○題○前○試○從○題○中○十○一○字○讀○去○太○陽○不○見○頭
痛○發○熱○陽○明○不○見○身○熱○自○汗○少○陽○不○見○往○來○寒○熱
而○心○中○溫○溫○欲○吐○則○少○陰○三○百○八○十○條○證○胸○中○痛
則○厥○陰○四○百○六○條○證○大○便○溇○腹○滿○則○太○陰○三○百○五
六○條○證○煩○證○之○在○少○陰○條○者○更○不○止○一○二○見○三○陰
備○現○而○無○一○陽○邪○此○處○豈○不○是○一○篇○理○中○真○武○現
成○文○字○仲○景○從○何○處○抹○去○止○於○題○前○冒○上○太○陽○病
三○字○則○現○證○雖○是○陰○而○來○病○原○是○陽○躁○煩○厥○逆○等
證○未○見○未○爲○陽○去○入○陰○理○中○真○武○可○抹○矣○理○中○真
武○以○太○陽○病○三○字○被○抹○卽○抹○處○便○現○出○一○篇○文○章

來○何○從○見○之○三○陰○祇○從○證○上○揣摩○却○未○露○於○題○面○
今○太○陽○病○則○明○明○題○前○所○有○者○以○太○陽○病○合○上○十○
一○字○有○吐○有○利○豈○非○合○病○中○一○篇○黃○芩○湯○黃○芩○加○
半○夏○湯○文○字○乎○仲○景○隨○手○抹○去○只○於○太○陽○病○下○湊○
上○一○筆○曰○過○經○十○餘○日○則○病○雖○起○於○太○陽○而○今○經○
中○已○無○太○陽○黃○芩○湯○黃○芩○加○半○夏○湯○不○復○中○式○矣○
於○本○題○十○一○字○不○曾○增○一○字○減○一○字○只○於○題○之○前○
後○安○頓○一○二○語○便○令○文○章○有○來○路○有○卸○路○而○一○篇○
墨○卷○直○從○三○篇○落○卷○中○洗○刷○出○來○其○落○卷○僅○可○存○
作○比○勘○使○後○人○從○此○處○悟○出○認○題○之○法○知○合○題○中○

不必果合背題處未必盡背只從題之前後左右
遙映側取中摘出真題神來病邪到手自無躲閃
則只此一篇墨卷開我無盡藏之法門矣昔有人
問作文法於先輩者語之曰題之所有不必有題
之所無不必無此乃善作文者今余移此於醫曰
證之所有不必有證之所無不必無此乃善認病
者○條中只據一嘔字在柴胡則如夫心煩而喜
嘔之經在陽明則犯及嘔多不可下之戒况得之
極吐下後而大便溏誰肯舍柴胡從調胃走險道
者卽不然亦只於壞病中存一案疑獄耳乃伸景

偏○於○嘔○上○劈○去○柴○胡○而○於○極○吐○下○上○劈○去○其○嘔○之
爲○柴○胡○嘔○却○先○從○吐○下○處○細○細○錄○及○吐○與○大○便○中
諸○見○證○之○口○供○後○直○從○病○證○參○差○處○一○搜○出○病○之
根○脚○來○蓋○病○在○胃○而○根○脚○實○由○極○吐○下○也○此○處○眩
真○證○確○則○欲○嘔○與○大○便○溏○俱○是○詭○名○詭○證○希○圖○掩
飾○而○胸○中○痛○腹○微○滿○鬱○鬱○微○煩○無○非○破○綻○滿○盤○假
局○面○只○從○嘔○處○磨○勘○之○而○柴○胡○得○解○網○調○胃○其○伏
襖○矣○毫○釐○千○里○仲○景○壽○剔○之○細○只○在○一○字○其○巧○生
於○法○乎○抑○法○生○於○巧○乎○不○特○此○也○渴○爲○柴○胡○證○仲
景○卽○從○渴○處○翻○柴○胡○嘔○爲○柴○胡○證○仲○景○卽○從○嘔○處

翻柴胡其餘以本經翻本經者在在而是人於此
等處苦仲景之葛藤不知無葛藤不生巧妙仲景
正欲人於此悟斬截之源頭也凡病之來詭詐萬
狀其間病真證真者千百無一二餘則莫非病真
證假之屬不得一玲瓏剔透之法于背面翻身橫
拖倒曳處皆帶眼睛十有九都被病形假粗假扮
一副花面九近在十何從談出病來認不得病何
由治病經云有者求之無者求之虛者責之實者
責之病之無形迹者為虛病之有形迹者為實此最玲瓏剔透法也仲
景欲教人見病知源故特從此等處立法彼縱躲

得過有處。終躲不過無處。我縱不從實處看破你。亦從虛處看破你。背面翻身。橫拖倒曳。無處不有。眼睛此之謂玲瓏剔透。仲景紫有此一節玲瓏剔透之書。顧讀者不會以玲瓏剔透。恣讀之。拘文牽義。字還字。句還句。如題起止。縱使考核極工。披取極富。不過施珠玉錦繡于土木形骸耳。于氣脉何有人無氣脉。是爲死人。書無氣脉。豈非死書。死書中豈有活法。得與玲瓏剔透者。仲景乃更爲天下人難之。不得已。并於規矩中。授人以巧。故特從行間墨下。生出穀率。設着機倪。卽一字之或鈞。或引。或

摺或翻皆開門戶。皆藏閔鍵。偏於無筭頭處用筭頭。及巴鼻處安已鼻。看去似乎矛盾。拍來無不照合。玄玄妙妙。無非開人心竅引之入玲瓏剔透之境。使人能於一字上悟師。則無往非師。而煙雲滿紙。丘壑層生。卽無字無句處。皆覺玄屑霏霏耳。以仲景一部開人悟頭書如此。千百年來。却被人塞住悟頭。塞住悟頭。仍是傷寒二字。此余所以痛恨於叔和之序例也。卽令其言有當。已是一篇填實文字。下木拖人。并將仲景書扯入填實一派矣。况背經畔聖。處處是人。一服迷塞心竅之藥。仲景書

不得空靈者。皆由人心竅先被迷塞。此一服藥人。肯信心契者。以其所樹者。卽仲景之招牌。而貼報單。署藥袋名湯頭。加引子。無一不據及內經之傷寒字也。以此蠱惑天下。誰不爲之傾動者。但看仲景論中。曲盡內經之奧。總不援着一句內經。內經亦是犯不得實。從來犯實中。必無好文章。則犯實中。豈有好方法乎。然則欲不犯實。奈何。曰。以仲景傷寒論三字。比作蘇老泉之辨奸論。讀去。則無論實處。皆虛。卽仲景之說是處。皆仲景之辨非處。何也。仲景以舉國若狂。皆惑于傷寒二字。特視人。

所○惑○爲○之○立○說○以○辨○明○之○使○人○于○此○辨○明○便○可○於
此○破○惑○此○之○謂○傷○寒○論○凡○讀○傷○寒○論○者○不○可○被○叔
和○將○題○目○舛○背○去○了○便○處○處○有○好○悟○頭○讀○出○來○

傷寒六七日發熱微惡寒肢節煩疼微嘔心下支結

外證未去者柴胡桂枝湯主之

若柴胡證具而其間有兼表者又須帶表治如
支結一證是其例也結卽結胃之結支者偏也撐
也若有物撐擱在胸脇間較之痞滿實爲有形較
之結胸遜其沉鞭卽下條之微結也微言其勢支
言其狀證非純裏可知况未經吐下而得之六七

活人云表證
未解安下妨
胸言去痞也
清之支結

此證未成陽
陷只是陽不
得入而為裡
氣所拒故兩
證俱見亦用
兩法均治矣

二八

日則微嘔之與心下支結自是半表裏之邪為小
柴胡湯證無疑矣但有表即須照顧及表雖發熱
微惡寒不必發熱惡寒之甚肢節煩疼不必身疼
痛之兼然在半表中自是於太陽尚有所戀是為
外證之未去縱使口苦咽乾目眩之裏證已具而
本方自不得不合桂枝湯為主治矣

傷寒五六日已發汗而復下之胸脇滿微結小便不
利渴而不嘔但頭汗出往來寒熱心煩者此為未解
也柴胡桂枝乾薑湯主之

不徒此也傷寒五六日汗而復下邪入而結矣然

凡少陽受邪
變成厥熱鬱
久改結氣多
見於上焦胸
脇間治法只
宜升陽升
則液下小便

下在汗後邪入亦不深故只從胸脇滿處見其結
是名微結明非裏結之甚也責其病根實由汗下
亡津致經氣不流利遂從表邪陷入處結滯使然
非無表證表證以結滯不現耳以其津液少而內
燥故小便不利渴而不嘔以其津液乏而陽虛故
但頭汗出以其結滯在經而陽鬱故往來寒熱而
心煩表氣以此之故而留者裏氣遂以此之故而
拒此則未解之根因也治欲解表裏之邪須是開
其結開其結須是復津液而助陽小柴胡湯不可
不主而又不能專主於本方中既減人參之助滯

不利者自然
利矣

更加桂棟之行津乾薑則加之以散滿栝蒌根則
加之以滋乾牡蠣則加之以破結是亦於和裏中
兼從津液上佐以解表之一法也○人身腹裏而
背表少陽行身之側爲半表裏故見證多胸滿脇
痛等然人身膈之下裏膈之上表少陽居清道而
協乎膈之間亦爲半表裏故見證更多胸滿痛及
痞結等然膈雖清道此處又分表裏則從淺深而
分也深則爲結胸邪由太陽已陷入裏必無半表
證淺則爲少陽必兼半表證結胸條所云傷寒五
六日熱結在裏復往來寒熱者與大柴胡湯是也

痞證亦然。此條之微結。與上條之支結。又是淺之淺者。故須兼表治。無表則結必不支。不微。

傷寒五六日。頭汗出。微惡寒。手足冷。心下滿。口不欲食。大便鞕。脈細者。此爲陽微結。必有表。復有裏也。脈沉亦在裏也。汗出爲陽微。假令純陰結。不得復有外證。悉入在裏。此爲半在裏。半在表也。脈雖沉緊。不得爲少陰病。所以然者。陰不得有汗。今頭汗出。故知非少陰也。可與小柴胡湯。設不了了者。得屎而解。

若其間有兼及裏證者。則於小柴胡湯解後。又不得。不帶及者。治矣。請得而例之。傷寒五六日。當成。

拒○候○半○裏○之○熱○以○怫○鬱○不○能○外○達○故○頭○汗○出○午○表
之○寒○以○持○久○不○能○解○散○故○微○惡○寒○兩○邪○互○拒○知○陽
氣○鬱○滯○而○成○結○矣○唯○其○陽○氣○鬱○而○滯○也○所○以○手○足
冷○心○下○滿○口○不○欲○食○唯○其○陽○氣○結○也○所○以○大○便○鞭
此○條○之○結○兼○從○大○便○鞭○上○既○有○結○滯○之○證○便○成○結
說○與○上○二○條○之○結○稍○不○同○滯○之○脉○所○以○脉○亦○細○所○云○陽○證○似○陰○者○此○其○類○也
但○結○有○陰○陽○不○同○即○陽○結○亦○有○微○甚○不○同○陰○結○爲
寒○總○無○陽○熱○頭○汗○出○證○而○陽○結○甚○者○又○必○表○邪○盡
斂○入○內○陽○熱○之○勢○方○深○其○證○則○不○惡○寒○反○惡○熱○今
皆○不○然○此○爲○陽○微○結○熱○雖○結○而○不○甚○也○所○以○然○者

以有微惡寒之半表在故結亦只半在裏而不甚
至於脉沉雖似裏陰則又有頭汗出證以別之故
凡脉細脉沉脉緊皆陽熱鬱結之診無關少陰也
可見陽氣一經鬱結不但陽證似陰并陽脉似陰
矣既非有寒無熱腎陰結又非表盡歸裏胃陽結
兩路盪開自推出一半裏半表結證來只緣表邪
入裏未盡欲外達又不能達所以結中仍現表形
樞機受邪也凡證居陰陽表裏間俱主小柴胡湯
故只據頭汗出一證其人陽氣鬱蒸必夾苦口咽
乾目眩而成其餘半在表證但一審之微惡寒而

凡往來寒熱等證不必一具卽可作少陽病處治。與以小柴胡湯矣。設不了了者結勢已解但從前所云大便鞭之屎未去耳得屎自解此四字着得活裏結之與半裏結尚有調胃大柴胡之分此則不必責之於胃并不必責之於經卽大柴胡與柴胡加芒硝湯皆所當斟酌者耳。○此證類於厥微熱亦微異處只在有微表驗其得解須是沉緊脉還於浮大汗出而手足溫。○二百二十五條本明其非柴胡却偏極力摹出一脇下滿頸項強手足溫而渴少陽證來此條本明其爲柴胡非少陰也。

偏極力摹出一手足冷心下滿口不欲食脈細脈
沉緊少陰證來非故臨崖立馬以示險正從人世
眼花撩亂處繙出鴛鴦譜撥示之以金針也更合
前後數條讀之知仲景之傷寒論卽象碁譜中之
金鵬十八變也玄妙都從絕處逢生死中得活上
設局使人于此等處得手則天下無不得手之處
故讀仲景書不當在多處讀滿盤皆死碁及至活
來只是一二着須知此一二着內另有仙機
傷寒十三日不解胸脇滿而嘔日晡所發潮熱已而
微利此本柴胡證下之而不利今反利者知醫以丸

藥下之非其治也。潮熱者實也。先宜小柴胡湯以解外。後以柴胡加芒硝湯主之。

胸脇滿而嘔。日晡所發潮熱。此傷寒十三日不解之本證也。微利者已而之證也。本證經而兼府自是大柴胡能。以大柴胡下之本證。且罷何有於已而之。下利乃醫不以柴胡之辛寒下。而以丸藥之毒熱下。雖有所去而熱以益熱。遂復留中而為實。所以下利自下利。而潮熱仍潮熱。蓋邪熱不殺穀。而逼液下行。謂云熱利是也。潮熱者實也。恐人疑攻後之下利為虛。故復指潮熱以證之。此實得之。

去者非所留
留者非所去
故瀉者自瀉
結者自結而
結者既結瀉
有益瀉矣

攻後究竟非胃實。不過邪熱搏結而成。只須於小柴胡解外後。但加芒硝一洗滌之。以從前已有所去。大黃并可不用。蓋節制之兵也。

太陽病過經十餘日。反二三下之後。四五日柴胡證仍在者。先與小柴胡湯。嘔不止。心下急鬱鬱微煩者。爲未解也。與大柴胡湯下之。則愈。

太陽病過經十餘日。邪不入裏。知此際已具有柴胡證矣。觀下文柴胡證仍在字。可見醫乃二三下之。此之謂反。下後不無傷其裏氣。驟然用及小柴胡。防及前條後必下重食穀者噦。故徐而俟之。

後四五日柴胡證仍在則樞機尚未解散先與小柴胡湯和解之若嘔不止知其下已成堵截也其人必心下急鬱鬱微煩急者喘促之狀勢不爲嘔緩也鬱煩者熱不爲嘔越也此則從前誤下時已薄及半表裏邪留結于膈之上下使然膈上之邪已經小柴胡解去而膈下之結未去氣無從降故逆上不已也用大柴胡一破其結留者去而逆氣下行矣此上病治下之法也○此條與陽明經嘔多雖有陽明證不可下之條細細酌量陽明證嘔在上而邪亦在膈之上此條嘔不止與前條但欲

嘔嘔在上而邪却在膈之下。膈之下已屬胃。可下不可下。此等處最不容誤。○木氣上達。必無嘔證。用小柴胡湯後。仍見嘔。便屬府邪。爲病不當責邪於經矣。前條以嘔故知極吐下也。亦是此義。○用小柴胡處。不詳其證。且云四五日。何其紆遲。以其證有干碍處。故示人以慎。恐下後之柴胡證亦不足憑。故畧之。用十。○胡處兼及吐時之餘證。直云與之愈。何其決捷。以證無模稜。故示人以斷。能晰及證中之證。自不至犯及柴胡之禁。故詳之。

傷寒陽脉溢。陰脉弦。法當腹中急痛者。先用小建中

凡表半邊有
 寔邪者裡半
 邊遂成虛位
 小柴胡之用
 人參半夏者
 此也虛易生
 實故有腹中
 痛證候則只
 去黃芩如芍
 藥急則建中
 從此求之表
 無邪者本
 方不可用柴

湯不差者與小柴胡湯主之

至於證屬少陽固宜和解而中氣虛寒不能拒和者又不妨依他經急救其裏後救其表之層次法用及小柴胡湯如傷寒見弦脈自是少陽本體乃陽脈瀆而徒陰脈弦則陽神不足陰氣潛羈裏寒豈能拒表所以法當腹中急痛雖腹痛亦柴胡或中之一證乃脈瀆而痛且急則湯去輒欲入陰雖有少陽諸兼證俱作緩圖只宜建中湯先實其虛先溫其裏從中州和及營衛弦瀆已去腹痛已止從此不差然後用本方小柴胡湯一和解之庶幾

胡裡無邪熱者本方不可用黃芩矣又須知陽邪腹痛皆營衛稽留之故

三百三十三

裏陽已經先復陰邪不至襲入耳較之上三條彼則宜用小柴胡湯用之不得不先此則宜用小柴胡湯用之不得不後此之謂法

太陽病十日已去脉浮細而嗜臥者外已解也設胸滿脇痛者與小柴胡湯脉但浮者與麻黃湯

王肯堂曰此條首之太陽少陽病時滿雖與前條同而病質細實則為表

至於邪已解後無復少陽而疑似之間尚當看證審用小柴胡湯如太陽病十日已去脉浮細而嗜臥者較之少陰為病之嗜臥脉浮則別之較之陽明中風之嗜臥脉細又別之脉靜神恬解證無疑矣但解則均解必無外證之未罷設於解後尚見

邪已解脇痛
為少陽有邪
故與柴胡君
脉俱浮者又
當先治太陽
也。此是設為
變通之言非
為服柴胡而
脉浮也。

三百
三四

胸滿脇痛一證則浮細自是少陽本脉嗜臥為膽
熱入而神昏小柴胡湯豈堪委置乎脉但浮者與
麻黃湯彼已現麻黃湯脉自應有麻黃湯證符合
之縱嗜臥依然必不胸滿脇痛可知此則無煩小
柴胡湯之顧慮耳

服柴胡湯已渴者屬陽明也以法治之。

可見小柴胡之於少陽不特惟為主方而補偏救
敝無不主之但偏有不能盡補敝有不能盡救者
又須另議善後之法矣渴亦柴胡或中之一證然
非津液搏聚水飲停逆則不渴故服柴胡湯渴反

止若服柴胡湯已渴者非關津搏水逆熱入胃而
耗精消水矣此屬陽明治在陽明有經有府自當
議法於葛根白虎調胃間非爾柴胡湯事也

三五
本太陽病不解轉入少陽者脇下鞅滿乾嘔不能食
往來寒熱尚未吐下脉沉緊者與小柴胡湯若已吐
下發汗温鍼譫語柴胡證罷此爲壞病知犯何逆以
法治之

本太陽痛不解轉入少陽者從前太陽證不必詰
只據而今若脇下鞅滿乾嘔不能食往來寒熱少
竭證已具豈唯太陽藥不復用果源委未經吐下

此與十寒湯
證頗相類而
彼屬裡未和
此屬半表裡

彼則不思
此有往來
熱也

而。素。雖。脉。沉。緊。不。得。爲。少。陰。病。也。只。屬。邪。困。於。經。
使。然。何。所。忌。而。不。以。小。柴。胡。湯。之。和。解。爲。定。法。合。
之。上。條。彼。於。柴。胡。證。去。路。得。清。楚。故。不。使。渴。證。攔。
入。小。柴。胡。此。於。柴。胡。證。來。路。得。清。楚。故。不。使。沉。緊。
脉。妨。及。小。柴。胡。也。究。竟。沉。緊。非。小。柴。胡。本。脉。其。所。
以。與。之。者。以。未。經。吐。下。故。不。妨。舍。脉。從。證。耳。若。已。
吐。下。發。汗。溫。鍼。何。必。脉。變。只。須。增。出。譴。語。一。證。便。
是。柴。胡。證。罷。爲。壞。病。此。則。治。之。之。逆。使。然。察。其。所。
犯。何。逆。而。於。法。外。議。法。則。存。乎。其。人。又。不。得。脉。沉。
定。前。證。以。不。用。小。柴。胡。致。壞。今。更。用。之。治。壞。使。

逆再逆也。○此條云知犯何逆以法治之。桂枝壞
病條亦云。觀其脉證知犯何逆。隨證治之。只此一
觀字。一知字。已是仲景見病知源地位。亦卽仲景
料度府藏獨見若神地位了。豈尋常倉猝問事。自
是觀字知字上。先有源頭源頭上。先有工夫得來。
仲景教人觀脉。觀證。故教人於辨脉辨證上討源
頭。辨字是工夫。觀字是効驗。源頭安在。在二脉。仲
景所由。以二脉弁傷寒論。而隸之曰法。使人以法
去。辨瘧濕。喝自得瘧濕。喝之源頭。而不爲瘧濕。喝
所惑。以法去。辨六經自得六經之源頭。而不爲六

經之所惑以法去辯霍亂等證自得霍亂等證之源頭而不爲霍亂等證所惑推之傷寒如是推之雜病亦如是推之本病如是推之壞病亦如是脉證稍有參差源頭已先釐剔故可汗可下在我而不在病不可汗不可下亦在我而不在病此之謂見病知源藏府上得其源頭則於脉證上只須一觀而已不必用甚工夫隨證治之莫非以法治之也世人於辯脉辨證上無工夫則觀脉觀證只是瞻觀而已安有裁決所以不依樣葫蘆能令病壞及至依樣葫蘆又令病壞徒費仲景一片精神命

脈鑿盡天下總不是竅門推求其故何嘗不於仲
景法上用竅門只是不會於仲景法上討竅門耳
討竅門與用竅門自是兩截事今之人急於醫病
誰肯作兩截事做者○人只知仲景制方之妙不
知仲景之神機廟筭不在方而在用方方猶兵也
用方則將兵者有機焉有竅焉機也竅也法也只
就小柴胡一方合前後數餘條縱觀之出出入入
何啻生龍活虎豈是呆配着一句耳聾脇痛寒熱
嘔而口苦之賦者此其中另有龍韜虎畧在試詳
一百一十三方何非仲景手製不講于仲景之法

都是妙方。用來都未必妙也。

傷寒脈弦細頭痛發熱者屬少陽。少陽不可發汗。發汗則譫語。此屬胃。胃和則愈。胃不和則煩而悸。

從前諸治例雖有兼表兼裏。審用之不同。然總不出和解一法。和解而外。若發汗。若吐。若下。皆少陽一經之所禁也。緣膽爲中正之官。無由入竅。其能獨任拒邪之功者。全賴中土連營輸以津液。有此不竭之府。故拒力不難。孤而且久。一或犯及。所禁則和議不成。津液先劫。彼何恃以無恐。勢激則從此引邪入裏。圍解則從此任邪入陰。墮軍實而長。

寇讐禍却關於中土故所禁最爲凜凜請以汗例
之汗莫宜於頭痛發熱以其爲太陽病之表證也
若傷寒脈弦細見此則半裏之氣素虛表邪得乘
虛突入雖是太陽證據脈卽屬之少陽矣少陽裏
證未具柴胡且難用况汗之乎宜胃液被奪木勢
反乘而得讖語也凡仲景論讖語多該鄭聲說此
處云屬胃胃虛故也和胃不曾出方然玩胃不和
則煩而悸當是小建中湯以下有二三日心中悸
而煩者小建中湯主之之條也津液竭故煩土虛
而容水得凌心分故悸唯發少陽汗則有此其可

輕汗乎。○以此條承上并可作上條後半截壞病
註脚。

太陽與少陽併病。頭項強痛。或眩冒。時如結胸。心下
痞鞭者。當刺大椎第一間。肺俞。肝俞。慎不可發汗。發
汗則譫語。脉弦五六日譫語不止。當刺期門。

知少陽之不可發汗。則可廣及之併病矣。太陽之
脉循頭目。少陽之脉循胸脇。今此之併。尚太陽有
餘。而少陽不足。故頭項之強痛專主。而眩冒與如
結胸之痞鞭。僅或而時焉。似可發汗。不知已有少
陽。輒不可發汗。只可刺肺俞。以瀉太陽。太陽則與

臍通刺肝俞以瀉少陽肝則與膽通也苟不知此而發汗則表邪雖去胃液全虛土虛乘以盛木安得不讞語脉弦五六日讞語不止此則胃以負而約結難滋也萬不宜從讞語處瀉胃止好從脉弦處瀉肝舍刺期門外無法一誤不堪再誤也○少陽職司開闔全賴胃氣滋培之胃氣盛則爲我司蓋而外拒胃氣衰則不顧其開而內乘故邪在少陽只是照料胃液爲主此大法也

三六
少陽中風兩耳無所聞目赤胸中滿而煩者不可吐下旺下則悸而驚

風傷氣風則
爲熱氣壅而
熱故耳聾目
赤胸滿而煩
也

更以吐下例之。吐莫宜於煩下莫宜於滿。邪在表裏固於少陽無碍也。若少陽中風表陽驟侵裏界矣。兩陽互拒則互煽故風熱壅盛而氣閉神昏其人乃兩耳無所聞目赤少陽證候告急倍常如此則胸滿而煩自是連及之證其可吐下乎。吐下則津液衰去而神明無主必悸而驚從此不得不多方議治議救胡爲輕吐下以自貽伊戚也。○此與傷寒脉弦細條皆是表邪直犯少陽不從太陽透逸來者故總無四五日六七日字。前條寒邪暴侵裏氣不及拒故證皆全表畧無半裏證而脉見弦

細○此○以○窘○促○告○也○此○條○風○邪○暴○侵○裏○證○以○全○力○拒○之○故○於○半○裏○證○中○增○出○兩○耳○無○所○聞○目○赤○界○內○俱○見○戒○嚴○故○於○中○滿○而○煩○此○以○張○皇○告○也○此○兩○證○者○皆○出○不○虞○卽○用○小○柴○胡○自○是○違○常○不○無○有○加○減○法○然○亦○不○得○因○寒○純○用○熱○因○熱○純○用○寒○消○息○存○乎○其○人○耳○

太○陽○少○陽○併○病○心○下○鞭○頸○項○強○而○眩○者○當○刺○大○椎○肝○俞○肺○俞○慎○勿○下○之○

知○少○陽○之○不○可○吐○下○則○又○可○廣○及○之○併○病○矣○此○之○併○病○心○下○鞭○居○首○頸○項○強○而○眩○次○之○似○尚○可○下○不○

三言
厚

知少陽三法俱禁。只可刺而慎勿下也。

太陽少陽併病。而反下之。成結胸。心下鞭。下利不止。水漿不下。其人心煩。

苟不知所禁而誤下之。關鍵洞開。任邪陷入。表邪留而成真結胸。心下鞭矣。裏氣虛而木來剋土。下利不止。水漿不下矣。加以心煩。神明被擾。而撓亂無主。是成危候矣。雖前條刺期門之法。亦無所用之。其可輕下乎。

傷寒三日。三陽為盡。三陰當受邪。其人反能食。不嘔。此為三陰不受邪也。

三言
四二

此與下條合
上太陽篇九
十五條却文
是熱病亦有
不傳及三陰
之証脚也

四百三

四百三

緣少陽之在六經。司陰陽開闔之樞。出則陽入則陰。所關係不小。全賴胃陽操勝。水不能尅而始能載。木以拒邪。所以三陽為盡之日。其人反能食。不嘔。即三陰當受邪。不受也。知此而又安敢妄行汗吐下。重傷及胃乎。

傷寒三日。少陽脉小者。欲已也。

即以脉論。其人能食不嘔。三陰雖不受邪。猶恐脉尚弦大。陽邪一時未退。若更得脉小。則陽得陰以和。是邪盡退而正來復。胃土允無木侵矣。

傷寒六七日。無大熱。其人躁煩者。此為陽去入陰也。

按已上二條有曰其人反能食而不嘔則脉反盛
小者令身無大執。是少陽在此。已爲蒿矢之末。而
復躁而煩。知陰陽交接已成。竊發之機。陽去入陰
非陽明負少陰不至。此豈七八日前畧無一二少
陽裡證。足爲角拒者。不知陽何故去。陰何故入。豈
仲景法中獨遺此一條法乎。凡變理陰陽爲事者。
思之重思之矣。○合上三條讀來。能食者不可因
此而議攻。使本不入陰者。反入陰。脉小者不可因
此而議補。使欲已者。反不已。至於無大熱而躁煩
者。已屬剝復關頭。不可因躁煩而遲疑束手。緩于

挽救使入陰而作沉淪鬼也。

傷寒二三日心中悸而煩者小建中湯主之。○嘔家不可與建中湯以甜故也。

可見陽去入陰必有其先兆善治者急宜杜之於未萌矣。心中悸而煩則裏氣虛而湯神易為陰襲。建中湯補虛和裏保中州以資氣血為主。雖悸與煩皆小柴胡湯中兼見之證而得之二三日裡證未必便具小柴胡湯非所與也。

傷寒脉結代心動悸者炙甘草湯主之。

又以脉論邪氣留結曰結正氣虛衰曰代傷寒見

結代由血氣
磨寢不能相
續也心中悸
動知真氣內
虛也

三百
四六

此而加以心動悸乃真氣內虛畏邪欲傳而預自
傍徨也炙甘草湯益陰寧血和榮衛以健脾胃為
主雖動悸為小柴胡或有之證而脈得結代非有
表復有裡之證小柴胡湯非所與也○大陽變證
多屬亡陽少陽變證兼屬亡陰以少陽與厥陰為
表裏榮陰被傷故也小建中湯炙甘草湯若是和
榮養陰氣為治

太陽與少陽合病自下利者與黃芩湯若嘔者黃芩
加半夏生薑湯

又如太陽少陽合病半表半裏之邪不待太陽傳

此之合病者
下利而頭痛
胸滿或口苦
咽乾目眩或
往來寒熱脈
或大而弦也

表熱裡虛則
邪熱得乘虛
而攻及裡氣
故自下利若
兼飲則嘔也

三百
四七

透而即合太陽並見樞機已從外向經氣不無失
守所以下利下利則裏陰虛而陽熱漸勝故用黃
芩湯清熱益陰招同外向之半裏而半表之勢自
解柴胡并可不用也若嘔者加半夏生姜此則畧
施破縱之法使邪無留結耳以上諸治皆輔小柴
胡湯之所不逮而於和解一法始無滲漏蓋法之
備也

少陽病欲解時從寅至辰上

木旺於寅卯辰陽中之少陽通于春氣乘旺而解
也

婦人中風發熱惡寒經水適來得之七八日熱除而
脉遲身涼胸脇下滿如結胸狀讖語者此爲熱入血
室也當刺期門隨其實而瀉之

至于婦人中風傷寒治法分經稍同男子而唯熱
入血室諸證則必從少陽主治因不妨附及之如
婦人中風發熱惡寒自是表證無關於裏乃經水
適來且七八日之久於是血室空虛陽熱之表邪
乘虛而內據之陽入裏是以熱除而脉遲身涼經
停邪是以胸脇滿如結胸狀陰被陽擾是以如見
鬼狀而讖語凡此者熱入血室故也夫血室繫之

衝任乃榮血停留之所。經脈所集會也。邪熱入而居之。實非其所實矣。刺期門以瀉之。實者去而虛者回。卽瀉法爲補法耳。

婦人中風七八日。續得寒熱發作。有時。經水適斷者。此爲熱入血室。其血必結。故使如癰狀。發作有時。小柴胡湯主之。

復有熱入不識。但寒熱間作如癰者。其血必斷。斷者蓄而結也。前條之熱入血室。由中風在血來之前。邪肯容血空。盡其室而入之。室中畧無血而渾是邪。故可用刺法。盡瀉其實。此條之熱入血室。由

中風在血來之後。邪乘血半離其室而入之。血與熱搏。所以結正邪爭。所以如瘧狀。而休作有時。邪半實而血半虛。故只可用小柴胡爲和解法。

婦人傷寒發熱。經水適來。晝日明了。暮則讞語。如見鬼狀者。此爲熱入血室。無犯胃氣。及上二焦。必自愈。復有晝明夜昏。讞語如見鬼祟者。血屬陰。夜則陰盛。故乘盛而爭也。無犯胃氣。以禁下言。汗犯上焦。吐犯中焦。是三法皆不可也。與其妄治。不如俟經期再臨。邪熱當隨經而出。不解自解。

血弱氣盡。腠理開。邪氣因入。與正氣相搏。結於脇下。

正邪分爭往來寒熱休作有時。默默不欲食。藏府相連。其痛必下。邪高痛下。故使嘔也。小柴胡湯主之。

此總上三條而申明之。以決言小柴胡爲的。于用之意。血弱氣盡。以經水之適來適斷言也。腠理開邪氣因入。以中風傷寒之熱入血室言也。與正氣相搏。結于脇下。指胸脇下滿如結胸狀言也。正邪分爭往來寒熱。休作有時。指續得寒熱及如瘧狀等言也。默默不欲飲食。此又從上三條外補出。而晝日明了。暮則讞語。如見鬼狀。又包在言外矣。藏府相連。指熱入血室之厥陰肝。與主往來寒熱之

少陽膽言而明其義也。其痛必下。則知胸脇滿處。必兼痛證。所云如結胸者是也。高字指表言。下字指裏言。邪高在表。雖屬少陽。痛下在裏。已連厥陰。陽搏及陰。故下痛。上嘔。病則均病耳。嘔字又從上。三條外補出。總因陰陽不和。順有此仲景恐上三條不盡病情。故復補此條。以自爲註脚。使知肝膽同歸一治。不必於小柴胡外。另從厥陰血室中求治也。然四段中所云用小柴胡刺期門。母犯胃氣。及上二焦。皆互文以立義之意。

傷寒論後條辨卷之十

新安程應旄郊倩條註

辨太陰病脉證篇

太陰以脾為藏。脾具坤靜之德。而有乾健之能。不於陰中助陽。乾何由健。故首以不可下為戒。而急法以宜溫。太旨了朕矣。條中有桂枝湯而無麻黃湯。桂枝胎建中之體。無碍於溫也。僅有大實痛一證。只加大黃。並無三承氣之犯。猶且以脾弱易動為慮。曰設當無大黃芍藥者。宜減之。諄切至矣。究其旨要。唯脾家實腐穢當去七字。乃一篇之大關。

鍵○溫○之○宜○四○逆○輩○意○在○實○脾○云○耳○脾○實○則○邪○自○去○
首○尾○照○應○如○此○至○於○中○風○一○條○不○但○無○三○陽○中○風○
之○加○劇○而○反○期○之○以○自○愈○陰○得○陽○以○化○卽○此○可○該○
三○陰○之○治○法○矣○東○垣○一○生○學○問○全○從○太○陰○篇○得○
力○脾○家○實○腐○穢○當○太○所○以○有○補○中○調○中○之○法○脉○浮○
者○可○發○汗○所○以○有○升○陽○益○氣○之○法○其○易○桂○枝○以○升○
柴○者○以○太○陰○在○傷○寒○多○虛○寒○在○內○傷○多○虛○熱○耳○且○
仲○景○所○論○者○太○陰○與○陽○明○各○而○東○垣○所○治○者○太○陰○
與○陽○明○俱○也○雖○不○曰○溫○之○宜○四○逆○輩○而○補○中○益○氣○
湯○例○援○及○甘○溫○除○大○熱○一○智○包○括○無○窮○若○其○證○屬○

虛寒則東垣之草豆蔻丸木香順氣湯葦正自難
指屈也。余嘗以東垣之於仲景猶曾子之于夫子
也。仲景之傷寒論則曰吾道一以貫之。東垣之脾胃
論則曰夫子之道忠恕而已矣。惜乎少門人之
一問遂令仲景自仲景東垣自東垣而傷寒內傷
舉世視爲兩岐矣。

太陰之爲病腹滿而吐食不下自利益甚時腹自痛
若下之必胸下結鞭。

太陰爲寒藏。藏寒則病自是寒。何至有傳經爲熱
之理。使陽入陰則化陰爲熱。則火入水亦能變水。

腹為中部胃
 與脾兩主之
 胃病軋妨及
 脾脾病亦妨
 及胃陽明見
 證陽鬱及脾
 亦多主嘔而
 胸結太陰見
 證陰寒及胃
 長多上吐而
 下利

為火智者當不為津不到嗑句惑也。太陰以濕土
 而司轉輸之職。喜溫而惡寒。違其所喜投以所惡。
 土乃病矣。故所見證俱屬裡陰。陽邪亦有腹滿得
 吐則滿去而食可下。今腹滿而吐食不下則滿為
 寒脹。吐與食不下總為寒格也。陽邪亦有下利。肤
 乍微乍甚而痛。隨利減。今下利益甚時。腹自痛則
 腸虛而寒。益留中也。雖曰邪之在藏實由胃中陽
 乏以致陰邪用事。升降失職。故有此下之則胸下
 結。鞭不頂上文吐利來。直接上太陰之為病句。如
 後條設當行大黃芍藥者亦是也。曰胸下陰邪結

脇下結韃總
非胸邪與寒
寔結脾亦異
議

陽經自利多
渴者水夫則
熱增也太陰
濕勝而寒在
藏更不同少

於陰分異于結胸之在胸而且按痛矣曰結韃無
陽以化氣則為堅陰異於痞之濡而爽矣彼皆陽
從上陷而阻留此獨陰從下逆而不歸寒熱大別
自利不渴者屬太陰以其藏有寒故也當溫之宜服
四逆輩

下之而心下痞韃以其病之在藏便宜用溫人之
不用溫者不過狐疑于寒熱二見耳不知不難辨
也渴為熱不渴為寒審是而自利不渴者知屬太
陰之寒藏自是溫宜四逆輩矣即自利一證推之
凡嘔吐腹滿腹痛等何莫不以是斷而用溫矣

陰之君火在上厥陰之陽氣在經故獨不渴

此太陰中之太陽也雖有裏病仍從太陽表治方不引邪入藏

三陰同屬寒藏少厥有渴證太陰獨無渴證者以其寒在中焦總與龍雷之火無涉少陰中有龍火底寒甚則龍升故自利而渴厥陰中有雷火故有消渴太陽一照雷雨收聲故發熱則利止見厥陰

太陰病脉浮者可發汗宜桂枝湯

溫之一字為太陰吃緊之法其有不必溫者則必他經之邪薄於太陰非太陰藏病也如病在太陰而脉浮尚見太陽則凡吐利腹滿腹痛等證皆由太陽寒水侮極脾土所致病雖見出陰經病邪却原是陽分邪從表入者仍從表出宜汗以桂枝湯

而不必溫及藏也。

本太陽病醫反下之因而腹滿時痛者屬太陰也桂枝加芍藥湯王之。

不寧此也。誤下太陽而成腹滿時痛。太陰之證見矣。病安得不屬之太陰。狀責其本。只是營衛內陷。表邪留滯于太陰。非藏寒病也。仍從桂枝例。升舉陽邪。但倍芍藥收斂之。蓋邪陷已深。輒防脾陰隨表藥而外洩耳。

大實痛者桂枝加大黃湯主之。

不寧此也。誤下太陽致前證大實而痛者。此則陷

因而二字宜
玩太陰爲太
陽裏及耳非
傳邪也

者久留于上部致滯者遂實于中焦於證似可急
下。厥陰實而非陽實仍從桂枝例升舉陽邪。但加
大黃以破結滯之物使表裡兩邪各有去路則寒
隨實去不溫者自溫矣。二證雖屬之太陰然來
路實從太陽則脈必尚有浮者存。

太陰爲病脈弱其人續自便利設當行大黃芍藥者
宜減之。以其人胃氣弱易動故也。

雖然病有對待陰陽區別處不可輒援彼治此也。
前二條之行大黃芍藥者以其病爲太陽誤下之
病自有浮脈驗之非太陰爲病也。若太陰自家爲

胃氣二字
人身根本五
藏六府有病
皆宜照料及
不獨太陰也

病○則○脉○不○浮○而○弱○矣○縱○有○腹○滿○大○實○痛○等○證○其○來
路○自○是○不○同○中○氣○虛○寒○必○無○陽○結○之○慮○目○前○雖○不
便○利○續○自○便○利○只○好○靜○以○俟○之○大○黃○芍○藥○之○宜○行
者○且○減○之○况○其○不○宜○行○者○乎○誠○恐○胃○陽○傷○動○則○洞
泄○不○止○而○心○下○痞○鞭○之○證○成○雖○復○從○事○於○溫○所○失
良○多○矣○胃○氣○弱○對○脉○弱○言○易○動○對○續○自○便○利○言○太
陰○者○至○陰○也○全○憑○胃○氣○鼓○動○為○之○生○化○胃○陽○不○衰
脾○陰○自○無○邪○入○故○從○太○陰○為○病○指○出○胃○氣○弱○來○之
有府猶妻之有夫未有夫主得令而外
侮得及其妻者六經皆作如此体認
傷寒脉浮而緩手足自溫者繫在太陰太陰當發身

傷寒有經氣
自病而後來
客邪者有容
邪為病而累
及經氣者太
陰脈浮而緩
手足自溫知
其人經氣不
病雖有容邪
不能為害所

黃若小便自利者不能發黃至七八日雖暴煩下利
日十餘行必自止以脾家實腐穢當去故也
所以然者脾家貴在實虛則容邪實則拒邪也何
以驗之如傷寒脈浮而緩陽脈非陰脈也手足自
溫陽邪非陰邪也據脈與證似貼太陽表邊居多
然表證初不一見則雖非太陰亦可繫在太陰矣
太陰得浮緩手足溫之脈證則胃陽用事自無截
寒之病陰鬱或有之小便不利必發黃雖發黃不
為陰黃若小便自利者不能發黃陰欲鬱而陽必
驅至七八日雖暴煩下利日十餘行必自止所以

貴陰病見陽

脉者以此

陽經必發熱

唯陰經無發

熱此只手足

溫故唯得中

風脉之浮緩

不得係之太

陽姑係之太

陰耳非謂太

陰病盡皆脉

浮緩手足溫

也

然者脉不沉且弱而浮緩手足不冷而自溫陰得
陽以周護則不寒不寒則不虛是為脾家實也經
曰陽道實陰道虛陰行陽道豈肯容邪久住此則
腐穢當去故耳夫脾家實則腐穢自去則邪在太
陰自是實脾二字為第一義矣前之所禁在下面
所重在溫非職此故哉

大陰中風四肢煩疼陽微陰澁而長者為欲愈

所以陰經中風與陽經中風亦自不同在陽經則
陽與陽搏而病進在陰經則陰得陽引而邪出大
陰但見四肢煩疼便是風淫末疾之象不必盡現

陽脉也於陰微陽澁太陰本脉中時兼一長已微
藏邪向府出而欲愈矣辨脉云陰病得陽脉者生
不過要人在温字上作工夫也

太陰病欲解時從亥至丑上

解從亥子丑者亥陰退氣子陽進氣丑中之土得
承陽而旺也

欬嗽當去芍藥以寒實眼欬嗽自去眼脈去太

白則微實則微私智行則微豈肯容釋人卦此眼

則以風蕪眼不次不寒眼不溫長急眼寒實也

然清視不武且隱而乳發手或不令而自盛劍槍

小陰經文太
風濕之管疑
此通那中
然此只平以
中則無無發
則必發熱
則春以出
實有風長細

傷寒論後條辯卷之十一

新安程應旌郊倩條註

少陰篇

少陰之藏爲腎。雜病或責腎之不足。卒病但責腎之有餘。有餘者水也。寒也。以寒水之藏而居坎北。純是陰氣。用事全賴本經對待之火。化其凜冽。以奉生身。而莫鰲立極。稱曰陽根。夫根則宜牢固。不宜動搖矣。所嫌水火同宮。制勝終在彼。勢不得不養土。作子載之。且以生之。使坤厚而坎無盈。庶幾水有所畏。而前來抱火。其作根深寧極之宰也。所

先天之炁在
腎指陰中之
陽而言腎中
無陽遂成死
无

元氣藏於腎
中靜則為陽
動則化而為
火陽化為火
水逼之也水
逼之者土不
能鎮也

以首忌在汗以他經發汗只懼其汲水而竭津少
陰經發汗并懼其升陽而出焰也火隨焰升下焦
乃成水窟於是土神渙矣土渙而水無制始唯下
奔久乃上逆寒勢攻冲頃刻而凌心火厥塌亡陽
雖欲溫之溫已無及所以歷陳諸死證蓋以防微
杜漸警人以履霜之懼也究所由來少陰勝而跌
陽負耳跌陽之負火失溫耳此之謂逆若欲反逆
為順無如殖土殖土無如助火此溫之一法在少
陰較太陰倍為孔亟也余條此篇只以少陰負跌
陽為順一語作上下文轉轡上文猶之案也而以

此語反承作所下文猶之目也。而以此語順揭爲網。上下兩分。而條理秩然矣。或者難予曰。旣已稱爲順矣。何以復有三承氣之證也。余曰。順之爲言。非必其人不病之謂也。亦非必其病平適。盡就我菓品藥之謂也。但使證候顯明。無有疑難。治法直捷。不致傍撓。則硝黃直菓品視之耳。何逆之有其間。只四逆散一證。寒熱未經詳定。姑依小柴胡例。從事和解。然黃芩已經革去。而加減中。則依然乾薑。依然附子。蓋仲景於溫之一字。篇中不啻三致意焉。今予一一條出。使人知少陰之有火。誠人身

之至寶而不可須臾失也。○近時薛立齋亦有腎
虛火不生土腎虛火不歸元等闡發似于仲景若
有私淑者但所主僅金匱中八味九一方易之作
湯劑此祇能于水中補火非能從火中補土用之
于雜證或宜至若卒病之來自不能不於仲景少
陰篇數千百遍讀之而得其神且妙也

少陰之爲病脉微細但欲寐也

少陰腎之經也其藏柔脆而夾乎二陰之間自尔
受寒最深故其爲病如婦人女子之怯弱毫無氣
力而簧婚蠱惑偏多設假舍脉無從得其證者凡

少陰病六七
目前多與人
以不覺但起
病喜厚衣遲
火善瞋睡凡
後面亡陽發
際諸刺證便
伏于此處矣
最要提防

陰脉皆沉異乎太陽之浮不必言矣。陽明脉大微者大之反。少陽脉弦細者弦之反。沉而有兼陰證定矣。故前太陰後厥陰俱不出脉象。以少陰一經可以該之也。但欲寐者陰氣盛而無陽邪乘之也。一有陽擾輒復反是諸經首條所揭非證卽病。此只以但欲寐寫及病證中之情態。緣少陰多假總無真證可揭。彼方欲亂我於證之中。我偏察彼于證之外。此條之但欲寐合後條之口中和皆從關淡處授人以秦鏡。任彼粧妖幻怪而毫髮難逃。謂觀之於其所忽也。

雖是陰邪從陽而發陽根于陰故表有太陽裡有少陰

少陰病始得之反發熱脈沉者麻黃附子細辛湯主之

一起病便發熱兼以陰經無汗世醫計日按證類能恣意于麻黃而所忌在附子不知脈沉者由其人腎經素寒雖表中陽邪而裏陽不能協應故沉而不能浮也沉屬少陰不可發汗而始得即發熱屬太陽又不得不發汗須以附子溫經助陽托住其裏使真陽不至隨汗而升其麻黃始可合細辛用耳

少陰病得之二三日麻黃附子甘草湯微發汗以二

三日無裏症故微發汗也

若前證得之二三日熱仍在表則麻黃勢未可除但減細辛加甘草溫裏却兼和中稍殺麻黃之力可耳病屬少陰卽爲在裏非少陰內又有裡特以二三日內發熱外無他證候雖是少陰脉却無少陰證故畧兼太陽例治可見脉一見陰不但證上便要謹慎卽日子上亦要謹慎無論腎陽在所顧慮卽陽病亦見死之凶徵也○按此二條與太陽篇發熱頭痛脉沉用四逆者同一證彼以不差則期過三日可知病已入裏雖尚冒太陽頭痛直以

阮云微發汗
矣仍用以字
故字推原之
足見鄭重之
意

帶及一數脉
甚言沉為在
裡凡白兼脉
皆從沉字斷
而不可發汗
矣

少陰法律之。此在初得二三日。雖無頭痛證。不容
竟爾竄入少陰。故仍兼太陽律之。一出。一入。不啻
爰書。假令前條得之二三日。後二條過二三日。不
差。則四逆之與麻黃。易地皆然矣。

少陰病脉細沉數。病為在裏。不可發汗。

何謂之裏。少陰病脉沉是也。毋論沉細沉數。俱是
藏陰受邪。與表陽是無相干。法當固密腎根為主。
其不可發汗。從脉上斷。非從證上斷。前法不可恃。
為常法也。○薛慎菴曰。人知數為熱。不知沉細中
見數。為寒甚。真陰寒證。脉常有一息七八至者。盡

繫此一數字中。但按之無力而散耳。宜深察也。

病人脉陰陽俱緊。反汗出者。亡陽也。此屬少陰。法當咽痛而復吐利。

所以然者。少陰乃真陽之根。宜秘固不宜宣洩也。試舉一病言之。陰陽俱緊者。傷寒脉也。法當無汗。反汗出者何也。由腎陽素虛。一遇寒侵其府藏氣。輒不能內守而陽亡於外。既已亡陽。雖太陽病亦屬少陰矣。所以孤陽飛越。則咽痛無陽。則陰獨而

復吐利也。寒循經上故吐。腎不秘藏故利。使其人腎藏素溫。當不

有此。○仲景欲窮究下數條妄汗者。罪欵夜先自

乎此曰亡陽
智以陰寒甚
而見逆陽遂
出亡也

此一條自汗亡陽者立其案。

少陰病。欬而下利。讖語者。被火氣劫故也。小便必難。以強責少陰汗也。

如不知腎爲真陽之根。而強責其汗。其變有不可勝指者。如少陰病。欬而下利。真武中有此證。水冷。則金寒耳。何至讖語。知火劫而下寒。上燥。亂及神明也。寒祇不能制水。火則徧劫其津。腎成一枯魚之寒。肆小便自難。讖語由火。小便難由火之強責。少陰汗。少陰汗可強發乎。兩兩結出。恐人因讖語。小便難。誤將少陰本病。扯入陽邪內。故重推原之。

兩下句推原
其故欲人于
此作規鑿也

熱盪在外知
裡無熱殆近
於結陰便血
矣

少陰病八九日一身手足盡熱者以熱在膀胱必便血也

變不止小便難也。藏中真陽逼而盡散于膀胱府。延至八九日。肢體盡熱。知津竭而血受煎熬。前小便難者。至此必便血矣。此謂裏厥表竭。○條中提出八九日字。見東隅既失。復不能挽之。桑榆逗留之罪有歸矣。

少陰病。但厥無汗。而強發之。必動其血。未知從何道出。或從口鼻。或從目出。是名下厥上竭。為難治。

五液皆主于
腎故太陽當

然血出下竅。猶為逆中之順。若少陰病。但厥無汗。

汗之證尺中一遲輒不可汗曰營氣不足血少故也况強發少陰汗乎周身之氣皆逆血隨奔氣之促逼而見故不知從何道出

微弱瀉荏原少陰不可發汗下之之故

陽微陰盛可知。只從少陰例治之可耳。奈何強發之。犯所禁乎。夫汗釀於營分之血。陽氣盛方能釀。故陰經無汗。總因陽微。乃強發之。汗疲于供。自是逼及。未嘗釀之。營血以苦。應下厥上。竭生氣之源。索狀矣。難治者。下厥非溫。不可而上。竭則不能用。溫故為逆中之逆耳。○難治二字。追從前之罪也。少陰病脉微不可發汗。亡陽故也。陽已虛。尺脉弱。澁者。復不可下之。

總而言之。少陰之脉。必微。必弱。必瀉。微為陽虛。發汗愈亡其陽。陽虛陰血自爾不足。故尺脉不弱。即

非謂少陰過
此等脉輒不
可汗下也亡
陽二字是少
陰所稟與太
陰其藏有寒
也同看

二百
七十

沉字作少陰
病現成脉看
則温字非少
陰法外之法
凡六七日諸
變証死證俱
從此處失去

一急字來

澁下之并爾亡陰矣以此條結上文猶懸書國門
使知入少陰而問禁也故并帶及復不可下之句
汗詳而下畧者以少陰多自利證犯之可無易犯
也但枯出尺脉弱澁字則少陰之有大承氣湯證
其尺脉必強而滑已伏見於此處矣

少陰病脉沉者急温之宜四逆湯

少陰病禁汗禁下既聞命矣然則主治之法何者
為急曰少陰證具但見脉沉便是邪入藏而陰寒
用事温之一法不須遲疑矣四逆湯不必果四逆
而後用之也

少陰病得之一二日口中和。其背惡寒者。當灸之。附子湯主之。

且果屬少陰病。溫之不妨。重溫也。其法不必以日拘。但以口中和為驗。故不必惡寒。蹠臥等證見也。只背惡寒。便是其候矣。灸之仍主以附子湯。見不妨。放手用溫也。○上條出脈不出。證此條出。證不出。脈欲人從兩路夾出一。少陰病來。故上條只云脈沉。不云脈細。見有此條之口中和。不必定微細也。雖沉數可溫矣。下一急字。破人猶豫耳。

少陰病下利。脈微清。嘔而汗出。必數更衣。反少者。當

背者胸中之府。陽受氣於胸中。而轉行於背。背惡寒者。陰氣盛而聚也。

温其上灸之

温乎其所以當温。即其證有難用温者。亦不妨設法。温之如少陰病下利。陽微可知。乃其脉微而且澁。則不但陽微而陰且竭矣。陽微故陰邪逆上而嘔。陰竭故汗出而勤努。責一法之中。既欲助陽兼欲護陰。則四逆附子輩俱難用矣。唯灸及頂上百會穴。以温之。既可代薑附輩之助陽而行上。更可避薑附輩之辛竅而燥下。故下利可止。究于陰血無傷。可見病在少陰。不可以難用温。遂棄去温也。

少陰病吐利手足厥冷煩躁欲死者。吳茱萸湯主之。

汗出已亡陽
利嘔更亡津
液全賴救更
衣反少氣滯
下焦不至或
脫惟恐脫及
上焦耳故温
其上温字內
亦可兼温藥
升陽大補心
肺

三百

七三

溫法原爲陰寒而設。顧真寒類多假熱。凡陰盛格陽。陰證似陽等。皆少陰中蠱惑人耳目處。須從假處。勘出真因。方不爲之牽制。如吐利而見厥冷。是胃陽衰而腎陰併入也。誰不知爲寒者。顧反見煩躁。欲死之證。以誑之。不知陽被陰拒。而置身無地。故有此象。吳茱萸湯。挾木力以益火勢。則土得溫。而水寒却矣。緣此證全類厥陰。非吳茱萸湯無以蔽其奸也。

少陰病欲吐不吐。心煩但欲寐。五六日自利而渴者。屬少陰也。虛故引水自救。若小便色白者。少陰病形。

悉具小便白者以下隻虛有寒不能制水故令色白也

吐利而渴與
猪苓證同別
在但欲寐且
猪苓證小便
必不利而赤
也飲水與白
頭翁證同彼
曰以有熱故
也小便亦必
不自
腎水欠溫則
不能納氣氣

不第此也。人身陰陽中分。下半身屬陰。上半身屬陽。陰盛于下。則陽擾于上。欲吐不吐。心煩證尚模糊。以但欲寐微之。則知下隻寒而胸中之陽被壅。治之不急。延至五六日。下寒甚而閉藏徹矣。故下利上熱甚而津液亡矣。故渴虛。故引水自救。非徒釋渴字。指出一虛字來。明其別于三陽證之實邪作渴也。然則此證也。自利為本病。溺白正以徵其寒。故不但煩與渴以寒斷。即從煩渴而悉及少陰。

不歸元逆于
膈上故欲吐
不吐腎氣動
膈故心煩

三百
七五

之熱證非戴陽卽格陽無不可以寒斷而從溫治
○煩證不盡屬少陰故指出但欲寐來渴證不盡
屬少陰故指出小便白來結以下隼虛有寒教人
上病治在下也蓋上虛而無陰以濟總由下虛而
無陽以溫二虛字皆由寒字得來

少陰病下利白通湯主之

承上言前證下利不但與太陰之四逆輩有異亦
與本經之真武有異蓋上之君火表之標陽欲越
已從渴處露倪須于溫法中使之得返於內歸於
源方爲佳兆故用四逆加蔥白易名曰白通通其

陽而陰自消之義也。合之上條。彼是證。此是治。
少陰病下利。脉微者。與白通湯。利不止。厥逆無脉。乾
嘔煩者。白通加猪膽汁湯主之。服湯。脉暴出者。死。微
續者生。

乾嘔煩者寒
氣拒拒陽氣
逆亂也

白通加猪胆

可見少陰病。凡屬陰證。似陽之類。俱由失之。於五
六日前。至於下利。便自擔差。以陰病屬諸微。亡陽
之脉。故也。與白通湯。利不止。厥逆無脉。乾嘔煩者。
則知陰邪壅盛。熱藥并為寒格。陽欲通而不得通。
致陰陽不相接續。使然耳。用前方。加人尿猪膽汁。
為導。從陽引至陰。所謂求諸其屬也。暴出者。死。無

汁寔開後人
寒因熱用之
始

三百
七七

根之陽驟迸諸外也。微續者生陽氣漸交陰肯納也。總上三條共是一證。此條乃出脉并救後之法。首條少陰病形悉具句。卽指此條諸見證言。差誤不在下利後由六七日煎之人。防微失着。致六七日後之人救逆多憂耳。

少陰病下利清穀。裏寒外熱。手足厥逆。脉微欲絕。身反不惡寒。其人面赤色。或腹痛。或乾嘔。或咽痛。或利止。脉不出者。通脉四逆湯主之。其脉卽出者愈。

看來少陰病下利。煞與他經不侔。所下爲清穀。不必言。乃裏寒偏多。外熱證。何見裏寒。手足厥逆。脉

此陽亦非虛
陽下寒甚而
氣不下通遂
成逆證蓋君
火之化也

三百
七八

微欲絕是也。何見外熱身反不惡寒。其人面赤色
是也。究竟熱因寒格。無論腹痛乾嘔咽痛皆下利。
中格陽一類。可以不理。即使利止而脈仍前欲絕。
不出。勿謂裡寒已退。輒妄治其外熱也。須循四逆
湯例。消陰翳于下部。但加葱白。宣陽氣于上焦。使
陽氣通脈亦通。而即出為真愈。不然少陰下利止。
且有頭眩時時自冒之死條在。非盡保慶時也。

少陰病下利便膿血者。桃花湯主之。

從前諸下利之用溫者。以其證盡屬寒也。不知病
在少陰。即證之挾熱者。亦不能棄溫。而竟用涼也。

坤厚能載方
可振河海而
不更張者温
則不沉也

三百
七九

下利便膿血
與便膿血有
濕燥之分

卽以便膿血論便膿血而傳自下利是由胃中濕邪下乘而入於腎也實是腎陽不足不能載土所以有此石脂塞其下源則水可截乾薑粳米温補夫中焦則土可升苟不知此而漫云清滌腎氣之寒土從水崩而陽氣脫矣

少陰病二三日至四五日腹痛小便不利下利不止便膿血者桃花湯主之

抑前證毋論其得之初起也卽二三日至四五日未可視其爲傳經之熱邪也腹痛而小便不利水土混淆可知雖是土虛不能制水終是火衰不能

旺土仍主前方則永得火而能輸土得火而能燥
苟不知此而漫云溲泄腎防一徹前後泄利而陽
神陷矣

三百八十一
少陰病下利使膿血者可刺

或不得已而疑前方之澁而助壅則宜洩之法不
妨輔之以刺刺僅去經中之熱而無寒涼以及藏
也故曰可耳

三百八十一
少陰病下利咽痛胸滿心煩者猪膚湯主之

又以咽痛論下利雖是陰邪咽痛實為急候况兼
胸滿心煩誰不曰急則治標哉然究其由來實是

雖是潤劑却
加白粉少陰

經所重者跌陽也

三百八十二

湯

陰中陽乏液從下溜而不能上蒸故有此只宜猪
膚湯潤以滋其土而苦寒在所禁也

少陰病二三日咽痛者可與甘草湯不差者與桔梗

若咽痛而不兼下利則自無胸滿心煩之證雖不
由于腎寒上逆然只熱客少陰之標而無開藏本
苦寒則犯本不可用也只宜甘草緩之不差者經
氣阻而不通也加苦梗以開之喻嘉言曰此在二
三日他證未具故用之若五六日則少陰之下利
嘔逆諸證蠱起此法并未可用矣

少陰病咽中痛半夏散及湯主之少陰病咽中傷生瘡不能語言聲不出者苦酒湯主之

足少陰之有咽痛皆下寒上熱津液搏結使然無厭陰撞氣故不成痺但視氣勢之微甚或潤或解或溫劑總不用着涼

至若咽中痛較咽痛為甚矣甚則似可涼治不知熱微只屬經苑熱甚反有寒羈不但苦寒不可有并辛熱不可無矣半夏散及湯散寒滌飲之不暇敢犯本乎迨至咽中為痛所傷漸乃生瘡不能語言聲不出者由從前不知散寒滌飲遂至此雖桂枝之熱不可有而半夏之辛則難除只從雞子以潤之苦酒以降之此不但能治標即屬陰火之沸騰者亦可抑而散矣何嘗于腎本有犯也

胸中實何與

少陰緣下面

之寒上逆飲

食未經入腹

寒格在胸不

得陽以化之

故傲而為寔

經曰膈氣虛

脈乃數脈數

為虛則知弦

遲之為寔矣

少陰病飲食入口即吐心中溫溫欲吐復不能吐始

得之手足寒脈弦遲者此胸中實不可下也當吐之

若膈上有寒飲乾嘔者不可吐也急溫之宜四逆湯

外此而有挾飲者然病在少陰亦當從溫以化之

不能純作飲治也如飲食入口即吐業已吐訖矣

仍復溫溫欲吐復不能吐溫溫字與下文寒飲字對欲吐復不能吐與下

文乾嘔字此非關後入之飲食吐之未盡而胸中

對乾空也另有物為之格拒也尚有模糊不妨驗及未飲食

時之證與脈如始得之手足寒脈弦遲者雖曰陰

邪然實與虛不同而虛與實之部位上中下又不

飲食入口卽
嘔物盛滿而
上隘也復不
能嘔者盛滿
者未盡去也

三百
八十五

同胸中實者寒物窒塞于胸中則陽氣不得宣越
所以脈弦遲而非微細者比手足寒而非四逆者
比飲食入口卽吐心中溫溫欲吐復不能吐皆是
物也寒在胸中但不可下而屬實邪溫亦被格但
從吐治一吐而陽氣得通吐法便是溫法若膈上
有寒飲乾嘔者虛寒從下上而阻留其飲于胸中
究非胸中之病也直從四逆湯急溫其下矣

少陰病二三日不已至四五日腹痛小便不利四肢
沉重疼痛自下利者此爲有水氣其人或欬或小便
利或下利或嘔者真武湯主之

胃中氣寒水
乃泛上此水
即腎中陰氣
所生也經曰
腎者牝藏也
地氣上者屬
于腎而生水
液也

真武湯之治
欬以停飲與
裡寒合也小
青龍之治欬
以停飲與表
寒合也

外此而有挾水氣者然病在少陰亦只從溫以鎮
之不能繫作水氣治也緣水氣唯太陽與少陰有
之以二經同司夫水也病則水氣不散畜而為相
困之加病其水內畜則腹痛小便不利而下利其
水氣外滯則四肢沉重而疼痛其水氣挾寒而上
射與上壅則欬而或嘔證與太陽雖無大異然太
陽從表得之膚腠不宣而水氣為玄府所遏故以
小青龍發之少陰由下寒有寒不能制伏本水一
二日至四五日客邪得深入而動其本氣遂至泛
濫而見前證緣所由來實是胃陽衰而隄防不及

也。故用真武湯。溫中鎮水。收攝其陰氣。若用小青龍。則中有麻桂。發動腎中真陽。遂為奔豚。厥逆。禍不旋踵矣。

少陰病。身體疼。手足寒。骨節痛。脈沉者。附子湯主之。就水氣而測之。則少陰病。凡其稍隣于太陽者。俱不得從太陽治。發動腎中真陽之本矣。如身體痛。手足寒。骨節痛。太陽傷寒。同有此證也。以脈沉辨之。沉屬陰寒。重着所致。裏陰有餘。表陽不足。附子湯主之。溫而兼補助陽氣。以禦陰寒。於所謂脈沉者。急溫之。蓋始終不能異其治也。○條中單拈一

此屬少陰之
表一層病經
脉上受寒也
以在陰經則
亦屬裏故温
外無法

三百
八十七

利自止者經
中之寒已去
也藏中陽氣
三回故仍惡
寒踈臥然手
足温者跌陽

沉字沉而着也。故所見者寒實之證。經曰諸痛爲實是也。寒實無假熱證。寒虛多假熱證。假熱之脉必兼微弱。否亦數而微細欲絕。固知脉難假也。若服寒涼反見數大。無倫次蓋授之以假具也。少陰病下利若利自止惡寒而踈臥手足温者可治。合觀從前諸治可見少陰病脉沉者急温之爲一大法矣。一或當温不温其變有不可勝言者。然寒之着也有淺深證之變也。有輕重如少陰病下利而利自止則陰寒亦得下祛。而又不致于脫。雖有惡寒踈臥不善之證。但使手足温者陽氣有挽回。

操勝生陽之氣不難回也

三百八十八

此證無自利知陽根未脫故不必手足温而自煩之太陽欲去衣被之衛陽不難協濟以取此孤陰

三百八十九

少陰七八日之下利類成

之機雖前此失之於温今可尚温而救失也

少陰病惡寒而蹇時自煩欲去衣被者可治

少陰病不必盡下利也只惡寒而蹇已知入藏深矣煩而去衣被陽勢尚肯力爭也而得之時與欲又非虛陽暴脫者比雖前此失之於温今尚可温而救失也

少陰病脉緊至七八日自下利脉暴微手足反温脉緊反去者為欲解也雖煩下利必自愈

少陰脉緊所云陰常在絕不見陽之診也至七八日自下利寒之入藏者似加深也然脉於利後頓

亡陽此以脈
緊為腎受春
寒非本載目
病故得手足
反溫跌陽可
証寒邪下出
也緊去脈暴
微少陰復其
本脈非諸侯
亡陽之比手
足溫營二百
衛通利九十
故也

上利幾于上
下發征得環

變緊而為微。手足于利後反不冷。而為溫。則微非。諸微亡陽之微。而緊去入安之微。蓋以從前之寒。已從下利而去。故陽氣得回。而欲解也。雖煩下利。必自愈。緣寒之入腎者未深。故前此雖失之於溫。今雖不溫。而可僥倖也。

少陰病吐利。手足不逆冷。反發熱者不死。脈不至者。灸少陰七壯。

少陰病吐而且利。裏陰勝矣。以胃陽不衰。故手足不逆冷。夫手足逆冷之發熱。為腎陽外脫。手足不逆冷之發熱。為衛陽外持。前不發熱。今反發熱。自

中之此陽不
困則陰氣可
從裡達表不
宜發熱者于
此反宜也脉
不至者陽方
外向裡氣不
應也得火力
而表裡上下
無不克同矣

二百
九一

陽受氣於四
肢雖主於脾
寔腎中生陽
之氣所奉故

非死候。人多以其脉之不至而委棄之。失仁人之
心與術矣。不知脉之不至。由吐利而陰陽不相接
續。非脉絕之比。灸少陰七壯。治從急也。嗣是而用
藥。自當從事于溫。苟不知此而妄攻其熱。則必死。
不攻而坐視。以失圖。維則不死。亦死。吾願人當知
人命為重也。

少陰病惡寒身踈而利。手足逆冷者。不治。

諸可治之證。以陰寒雖勝而火種猶存。着意燃炊。
尚堪續炤。倘令陽根漸盡。一綫無餘。縱爾安罏。何
從覓燧。所以少陰病惡寒身踈而利。手足逆冷者。

手足之温與
逆關于少陰
者最重

三百
九二

不○治○有○陰○無○陽○故○也○雖○有○仁○人○之○心○與○術○徒○付○之○
無○可○奈○何○使○早○知○助○陽○而○抑○陰○也○寧○至○此○乎○
少○陰○病○吐○利○躁○煩○四○逆○者○死○

由○吐○利○而○躁○煩○陰○陽○離○脫○而○擾○亂○可○知○加○之○四○逆○
胃○陽○絕○矣○不○死○何○待○使○蚤○知○温○中○而○煖○土○也○寧○有○
此○乎○此○與○吳○茱○萸○湯○證○只○從○躁○逆○先○後○上○辯○一○
則○陰○中○尚○現○陽○神○一○則○陽○盡○唯○存○陰○魄○耳○

三百
九三

少○陰○病○四○逆○惡○寒○而○身○踈○脉○不○至○不○煩○而○躁○者○死○
諸○陰○邪○具○見○而○脉○又○不○至○陽○先○絕○矣○不○煩○而○躁○陰○
無○陽○附○亦○且○盡○也○經○云○陰○氣○者○靜○則○神○藏○躁○則○消○

亡○蓋○躁○則○陰○藏○之○神○外○亡○也○亡○則○死○矣○使○早○知○復○
脉○而○通○陽○也○寧○有○此○乎○

少陰病下利止而頭眩時時自冒者死

下○利○止○而○頭○眩○時○時○自○冒○者○腎○氣○通○于○腦○也○語○云○
黃○河○之○水○天○上○來○陰○津○竭○于○下○知○髓○海○枯○于○上○也○
前○此○非○無○當○溫○其○上○之○法○惜○乎○用○之○不○預○也○無○及○
矣○

少陰病六七日息高者死

夫○肺○主○氣○而○腎○為○生○氣○之○源○蓋○呼○吸○之○門○也○關○係○
人○之○生○死○者○最○鉅○息○高○者○生○氣○已○絕○于○下○而○不○復○

或曰或喘而死或喘而生

者何也岐伯曰辰逆連藏則死連經則生此以六七自經邪已轉藏也

三百九十六

納故游息僅呼于上而無所吸也死雖成于六七日之後而機自兆于六七日之前既值少陰受病何不預為固護預為隄防迨今真陽渙散走而莫追誰任殺人之咎凡條中首既諄諄禁汗繼即急急重溫無非見及此耳今則死證班班未知讀夫論者能增其臨深履薄之懼否也

少陰病脉微沉細但欲臥汗出不煩自欲吐至五六日自利復煩躁不得臥寐者死以今時之弊論之病不至于惡寒踈臥四肢逆冷等證叠見則不敢溫嗟乎證已到此溫之何及哉



少陰本病脈
 寡陰盛陰不
 已而汗出是
 為亡陽亦少
 陰一經表裡
 之分也陽亡
 必見煩躁等
 證者鬼氣欲
 成蟻也病此
 者多晝隱夜
 現故不得臥
 寐

此諸證有至死不一見者則蓋于本論中要旨一
 申詳之少陰病脈必沉而微細論中首揭此蓋已
 示人以可溫之脈矣少陰病但欲臥論中首揭此
 蓋已示人以可溫之證矣汗出在陽經不可溫而
 在少陰宜急溫論中蓋已示人以亡陽之故矣况
 復有口中和之證如所謂不煩自欲吐者以互之
 少陰中之真證不過如此其餘一皆訛證不足憑
 也此時邪亦僅在少陰之經未遽入藏而成死證
 也然堅冰之至稍一露倪則真武四逆誠不啻三
 年之艾矣不此綢繆延至五六日在經之邪遂爾

入藏前欲吐。今且利矣。前不煩。今煩且躁矣。前欲臥。今不得臥矣。陽虛已脫。陰盛轉加。其人死矣。醫者尚不知爲何病。或曰陽證見陰脈宜死。或曰陰陽兩感不治。抑或曰此傳經熱型。前此失下而成不治之壞病。倘有一人語之以少陰失溫。必且鬪然曰。其人不手足厥冷。不惡寒。踰臥而且煩躁。如是不得臥。如是。何陰證之有。子妄矣。噫嘻。吾見其人矣。吾聞其語矣。因悟仲景一片婆心。歷歷諸死證。益不啻與尸以諫也。

少陰負趺陽者爲順也。

昔人謂補腎

不如補脾胃

見及此也又

有謂補脾不

如補腎者其

補其母也母

者火也何後

人以補腎二

字遂開山滋

陰一門滋陰

自是為陽反

順為逆由未

未教于仲景

耳

九八

此。條。反。以。承。上。順。以。起。下。乃。一。篇。之。關。鍵。少。陰。諸。死。證。皆。由。失。之。於。溫。溫。者。補。火。以。益。土。使。土。氣。蕃。育。恆。操。其。勝。筭。而。作。鎮。中。州。則。水。寒。却。而。成。溫。泉。不。但。免。夫。汎。濫。之。虞。而。熟。腐。水。穀。充。膚。澤。毛。皆。賴。之。矣。唯。不。知。此。而。失。之。於。溫。則。跌。陽。負。而。少。陰。乃。勝。水。寒。互。勝。以。無。所。畏。而。上。凌。心。火。真。陽。倏。爾。滅。沒。逆。莫。大。焉。知。跌。陽。負。少。陰。之。為。逆。則。知。少。陰。負。跌。陽。之。為。順。矣。

少陰病得之二三日口燥咽乾者急下之宜大承氣

湯

少陰苟負跌陽則亦有少陰負跌陽之病然而不足虞也有如口中和者少陰證也二三日而口燥咽乾便見陽明之證知少陰之負跌陽矣是為土氣有餘有餘者可瀉大承氣湯不似陽明經之尚多顧慮也

少陰病自利清水色純青心下必痛口乾燥者急下之宜大承氣湯

自利清水無
渣色純青

色純青

也

又如自利清水色純青似屬陰邪用事矣其人心下必痛乃土來心下水自瀰而殺自留也以口中和之少陰變為口乾燥之陽明知少陰之負跌陽

矣。治可同前。不必濡瀦也。

少陰病六七日。腹脹不大便者。急下之宜。大承氣湯。至于六七日。腹脹不大便是少陰轉屬陽明之候。少陰負跌陽諦。大證甚顯。明知一下之外無餘事。誠莫便捷于大承氣矣。何所顧忌而不宜之也。此三證自是陽明病。欲以脉沉匿入少陰中。故仲景便于少陰中用陽明法。使其匿無所匿。知賊臣不以出疆免也。

少陰病得之二三日以上。心中煩不得臥。黃連阿膠湯主之。

湯主之

病此者腎中
素有燥邪也
燥則生熱故
絕少陰病使
覺火土氣勝
陰精不能上
奉故也治以
黃連阿膠湯
滋陰退陽蓋
治火之下陰
精承之也

三大承氣證乃少陰負跌陽之甚者固下其所當
下不為逆也若負雖不甚亦必見出跌陽之證不
至于誤益陽明之病不得眠與少陰之但欲寐者
自反少陰二三日以上心中煩而有此知土挾母
邪以乘水是亦少陰負跌陽之類也治用苓連瀉
土母之熱芍藥阿膠雞黃濟陰而潤其燥火土潤
而腎水寧矣○不得眠者口中自不和口乾燥者
自必但欲臥而腹脹不大便者益可知矣固知上
下皆互文也

少陰病下利六七日欬而嘔渴心煩不得眠者猪苓

湯主之。

少陰為寒藏
不畏陽邪之
擾陽邪中有
火有土皆腎
中生陽之氣
也隨其寔而
瀉之殊自易
易數條中承
氣從攻猪苓
從滲黃連阿

又就不得眠之證而推之。下利似乎陰勝矣。卽六
七日欬嘔渴煩亦尚與少陽模糊唯微之不得眠
知濕土攔截中焦致水不上升而火不下降猶之
少陰負趺陽者類也。治用猪苓湯分清降濁土濕
流而水火濟矣。此證以下利作主五苓散宜亦可
用。乃用猪苓湯者以猪苓湯為陽明經藥故仍以
之抑趺陽而濟少陰也。○凡論中着日子處俱有
深思不得草草讀過。就少陰一篇合言之三百六
十二條三百六十三條云始得之及得之二三日

膠清而滋四
逆散和而解
陰病見陽皆
有顯然之證
與腎經寒證
作比勘又何
難游刃有餘
也

者重在日子也。見初得二三日，不得不微發汗也。
三百七十一條云：得之一二日，又所以緯此條之
意。見少陰病，不可泥定初得二三日，便宜發汗。若
微見裏證，雖一二日，自以溫法為正也。三百七十
九條云：二三日，至四五日者，輕在日子也。見不拘
其二三日及四五日，而見下利便膿血，只宜溫也。
三百八十二條云：二三日，雖不同證，亦可以緯此
條之意。見少陰病，如咽痛之用其桔湯，只可用之。
二三日，上過此則不宜也。三百八十五條云：二三
日，不已，至四五日，及百百二條云：六七日者，紀日

子之過也。水氣及嘔渴欬煩諸證。因日子纏綿而成也。三百八十九條云七八日者錄日子之功也。寒邪賴日子久遠不能持而自解也。三百七十四條云五六日者從前病而例後病也。前之心煩則兼但欲寐後之渴而引水則兼小便白寒熱不因日子而變易也。三百八十四條云始得之者從後病而審及前病也。因後病有些模糊溯前病之證與脉而實虛自辯也。三百九十八條云二三日者急之之詞也。病見於倉猝不妨治以倉猝也。四百條云六七日者緩之之詞也。病欲爲盈滿不妨待。

其盈滿也。三百六十七條云。八九日者。計日以責醫也。何前此之玩愒而不知救誤也。三百九十五條云。六七日。三百九十六條云。五六日者。責之之甚也。玩愒而至干死。以殺人律之。宜反坐也。四百一條云。得之二三日以上者。著日之異。以別病之同。欲醫人。準此而慎乎。毫釐千里之間。毋鹵莽而輕人命也。緣三百九十六條有煩躁不得眠爲死證。却在五六日之後。而五六日前。原不煩。原但欲寐。故以得之二三日以上。別之。見起病時。便心煩。不得臥。與彼條變成者。大相懸絕。醫者不可不詳。

察也。卽許景繩日之法細細求之。何嘗孔子春王
正月之書。稍一檢點。便覺無限雲日。風霜縈繞。于
字句之上。註家一遇二三日。卽云傳邪尚淺。一遇
六七日。卽云傳邪已深。傳會成說。無所不至。正如
鄉人仰月色之盈虧。以計朔望。不復知盈虧中自
有二十四氣。相爲倚伏也。余甚惜夫讀傷寒論者。
終日吟哦。終日考核。仍未免糊塗日子。虛度光陰
也。

少陰病。四逆其人。或欬或悸。或小便不利。或腹中涼。
或泄利下重者。四逆散主之。

證同真武而
不作水氣治
者散中有升
有降及土
膏雖有水氣
從土參化矣

此處四逆由
經輸被阻之
故故見証兼
反上中下三

部

至○若○少○陰○不○甚○負○趺○陽○亦○不○甚○勝○則○溫○固○難○用○涼○
亦○難○從○只○從○中○治○為○解○散○亦○少○陰○之○一○法○也○初○得○
之○四○逆○固○非○熱○證○亦○非○深○寒○欬○悸○而○或○小○便○不○利○
既○似○乎○水○畜○腹○痛○泄○利○又○似○乎○寒○凝○其○中○更○兼○下○
重○一○證○得○毋○氣○滯○在○趺○陽○而○經○絡○失○宣○通○也○雖○四○
逆○散○於○升○清○降○濁○中○兼○有○益○陰○之○義○然○大○旨○只○在○
疏○趺○陽○之○滯○而○照○證○加○減○則○仍○從○真○武○湯○例○抑○陰○
而○助○陽○蓋○不○欲○少○陰○勝○而○趺○陽○負○也○據○此○而○少○陰○
之○右○溫○不○可○識○乎○豈○唯○少○陰○推○之○太○陰○厥○陰○亦○何○
莫○非○此○義○余○願○同○志○此○事○者○須○掃○去○胸○中○傳○經○為○


熱之宿見方于仲景之牆不致而自立也。

少陰中風。脈陽微陰浮者爲欲愈。

少陰中風。與大陰不甚異。在太陰爲土。得陽和在。少陰爲春風。解陳故。雖陽微如故。而陰脈從下欲起。已卜邪從外向矣。

少陰病欲解時。從子至寅上。

腎中之生陽在子。而丑中有土。寅中有火。陰翳須從此爲開泰也。



傷寒論自序

漢長沙太守南陽仲景張機著

余每覽越人入虢之診望齊侯之色未嘗不慨然嘆其才秀也。怪當今居世之士曾不畱神醫藥精究方術上以療君親之疾下以救貧賤之厄中以保身長全以養其生但競逐榮勢企躡權豪孜孜汲汲惟名利是務崇飾其末忽棄其本華其外面粹其內皮之不存毛將安附焉。卒然遭邪風之氣嬰非常之疾患及禍至而方震慄降志屈節欽望巫祝告窮歸天束手受敗賫百年之壽命持至貴之重器委付凡鑿恣

其所措。咄嗟嗚呼。厥身以斃。神明消滅。變爲異物。幽
潛重泉。徒爲啼泣。痛夫。舉世昏迷。莫能覺悟。不惜其
命。若是輕生。彼何榮勢之云哉。而進不能愛人。知人。
退不能愛身。知己。遇災值禍。身居厄地。蒙蒙昧昧。蠢
若遊魂。哀乎。趨世之士。馳競浮華。不固根本。忘軀狗
物。危若冰谷。至於是也。余宗族素多。向餘二百。建安
紀年以來。猶未十稔。其死亡者。三分有二。傷寒十居
其七。感往昔之淪喪。傷橫天之莫救。乃勤求古訓。博
采衆方。撰用素問九卷。八十一難。陰陽大論。胎臚藥
錄。并平脈辨證。爲傷寒雜病論。合十六卷。雖未能盡

愈諸病庶可以見病知源。若能尋余所集，思過半矣。夫天布五行，以運萬類；人稟五常，以有五藏。經絡府俞，陰陽會通。玄冥幽微，變化難極。自非才高識妙，豈能揆其理致哉！上古有神農、黃帝、岐伯、伯高、雷公、少俞、少師、仲文。中世有長桑、扁鵲。漢有公乘、陽慶及倉公。下此以往，未之聞也。觀今之醫，不念思求經旨，以演其所知，各承家技，終始順舊，省疾問病，務在口給。相對斯須，便處湯藥。按寸不及尺，握手不及足。人迎跌陽三部不參，動數發息不滿五十。短期未知決診，九候曾無髣髴。明堂闕庭，盡不見察。所謂窺管而已。

夫欲視死別生實爲難矣。孔子云生而知之者上學則亞之。多聞博識知之次也。余宿尚方術請事斯語。

按古人作書大旨多從序中提出。孔子於春秋未嘗有序。狀其言曰。知我者其唯春秋乎。罪我者其唯春秋乎。又曰。其義則丘竊取之矣。卽此是春秋孔子之自序。孟子則曰。孔子懼作春秋。又曰。孔子作春秋而亂臣賊子懼。是卽孟子代孔子之春秋作序也。迄今未讀春秋者亦能道及春秋無非從此數句書讀而得其大旨。故善讀書者未讀古人書先讀古人序。從序法中讀及全書則微言大義。

宛然在目。余讀傷論。仲景之自序。竟是一篇悲
天憫人文字。從此作論。蓋卽孔子懽作春秋之
微旨也。緣仲景之在當時。猶夫春秋之有孔子一
則道大而莫容一則道高而莫容。滔滔者天下皆
是。驚怖其言。大相溷。庭不近人情。是以而目擊宗
族之死亡。徒傷之而莫任救。則知仲景之在當時。
宗族且東家丘之矣。况復舉世昏迷。莫知覺悟。安
得不賣百年之壽命。持至貴之重器。悉委凡醫。恣
其所措乎。恣其所措四字。於醫家可稱痛罵。然寔
是爲病家深悼也。醫家苦於不知病。病家苦於不

知○醫○知○之○一○字○兩○難○言○之○若○欲○愛○人○知○人○先○是○愛
身○知○已○凡○勤○求○博○采○從○天○之○五○行○人○之○五○常○與○夫
經○絡○府○藏○陰○陽○會○通○處○用○着○玄○冥○幽○微○工○夫○此○非
鑿○之○事○而○已○之○事○也○鑿○不○謀○已○而○謀○之○人○則○醫○者
人○也○而○厥○身○以○斃○神○明○消○滅○變○為○異○物○幽○潛○重○泉
徒○為○啼○泣○者○已○也○非○人○也○鑿○不○為○之○代○也○從○此○處
語○醫○自○是○求○之○於○已○不○復○求○之○於○人○從○已○求○鑿○求
之○於○知○從○人○求○鑿○求○之○於○行○知○行○合○一○之○學○道○則
皆○狀○醫○事○獨○否○知○則○必○不○能○行○行○則○未○必○能○知○行
者○之○精○神○力○量○都○用○在○行○上○何○由○太○知○但○能○各○承

家技終始順舊罔不行矣。終日殺人亦祇是行。知者之精神力量都用。在知上。何暇去行。即使欲行而思求經旨以演其所知。較之相對斯須。便處湯藥者。鈍不如敏。庶幾見病知源。較之省疾問病。務在口給者。藏不如炫。徒知活人。孰與活口。所以羣言莫正。高技常孤。在仲景之身。已是一鈍秀才。持此誨及於鑿。又何利。鑿而屑其教。護者故半夜晨鐘。僅於序中爲蒙。蒙昧昧輩。一喚起。此遊魂。預掩其啼泣也。若是真正惜命。亟從已上作工夫。等鑿專于自家之身心性命。卽君親亦是已之君親。

貧賤亦是已之貧賤。至若保身長全以養其生。益是已之身與生。從愛身知已。中廣及愛人。知人無非自己求之者。於已處求知。不於已處求。行則導師具在。吾論中無他覓也。其間見病知原。是全論中丹頭。若能尋余所集思過半矣。是全論中鼎竈思求經旨。以演其所知。是全論中火候。要此火候。足時須要曉得。此論是知醫的淵源。從艱難中得之。不是行醫的方技。以簡便法取之者也。故一篇之中。創凡鑿之害。止痛舉世之莫聰。於憂謔畏譏之際。不啻三致意焉。蓋深懼夫邪說惑民。將來不

以○吾○論○爲○知○之○次○反○借○吾○論○爲○行○之○首○從○醫○道○中○
生○出○鄉○愿○來○以○賊○吾○論○于○千○百○世○後○恣○其○所○措○將○
何○底○止○故○預○示○讀○吾○論○者○亟○從○鑒○懲○艾○也○吾○故○曰○
得○仲○景○之○傷○寒○論○而○讀○之○先○須○闢○太○叔○和○之○僞○例○
始○敢○向○叔○和○之○僞○例○而○闢○之○先○須○讀○着○仲○景○此○處○
之○自○序○始○

新安後學程應旌識

傷寒論後條辨跋

儒與醫不必同其業。要未有不通經而可稱爲儒者。則亦未有不通經而可稱爲醫者。儒之經曰易書詩禮春秋。醫之經曰靈樞素問。二者之書皆淵深灝博。未易窺其涯岸。以此求儒。世無幾儒。則以此求醫。世無幾醫矣。是以後聖有爲之輔翊者焉。輔翊易書詩禮春秋者。孔子之論語是也。輔翊靈樞素問者。仲景之傷寒論是也。反淵深爲顯淺。歸灝博于簡夷。使六經之神猷。鉅典。人人可循。靈樞素問之微言。奧義。病病可。按此之謂輔翊。儒不讀孔子之論語。而曰吾能

淹貫乎易書詩禮春秋勢必妄行及易書詩禮春秋
此亂儒也。鑿不讀仲景之傷寒論而曰吾能淹貫乎
靈樞素問勢必妄施及靈樞素問此亂醫也不以規
矩不能成方圓不以六律不能正五音論語者六經
之規矩而傷寒論者內經之六律也。今世縱乏通儒
狀而有不讀孔子之論語者必無其人爲問今之鑿
其能讀仲景之傷寒論者幾人哉不讀仲景傷寒論
而偏會讀內經剽竊愈深背違愈甚以今世之傷寒
言之。一篇素問熱病論何人不從頭直寫到底自家
縱不會寫却有王叔和之傷寒例可以對本無差試

勤○以○仲○景○之○傷○寒○論○語○語○遵○經○語○語○叛○經○耳○此○說○非
余○小○子銍之○所○敢○剗○也○以○余○小○子銍日○夕○於
郊○倩○先○生○程○夫○子○之○門○得○之○耳○提○面○命○者○深○私○之○手
抄○筆○記○者○久○固○不○敢○承○流○襲○敝○重○復○訛○且○傳○訛○也○憶
銍○於○摳○衣○請○業○初○卽○以○傷○寒○質○先○生○語銍曰○今○世○之
傷○寒○無○復○長○沙○公○之○正○本○也○長○沙○公○傷○寒○論○之○大○經
大○法○久○被○小○人○盜○而○換○去○矣銍不○解○而○請○藁○故○先○生
曰○今○世○之○傷○寒○無○非○盜○之○王○叔○和○叔○和○之○傷○寒○無○非
盜○之○內○經○惟○其○盜○之○內○經○是○以○失○之○仲○景銍益○不○解
而○請○其○故○先○生○曰○仲○景○傷○寒○論○猶○場○中○出○此○一○題○按

士而應者抄得他人一篇錦繡文字亦何嘗不妙只是文字雖佳題目錯了高高一名六等必在斯人斯文矣。鈺因請曰題目錯者以仲景所論者傷寒而叔和所抄者熱病也如去其熱病而以冬時嚴凝殺厲所感之傷寒應得無入穀否先生曰以熱病應者錯在題裏以傷寒應者并錯在題面矣。鈺益不解而請其故先生乃語。鈺曰子曾讀班彪王命論乎仲景有傷寒論猶班彪之有王命論也知班彪王命論之題目非爲王命設爲非王命而妄覲覲王命之草澤神姦設則知仲景傷寒論之題目非爲傷寒設爲非傷

寒而橫天人以傷寒之操刃創醫設也傷寒只是一
病非傷寒之病紛紜錯亂者多端不從論辨處立之
法使皆入我範圍而槩混加之曰傷寒則班彪一篇
王命論分明筭作一頂平天處以此徧加諸草澤神
姦之首幾何不遭慘夷之禍凡傷寒二字爲操刃創
醫枉殺人無筭者坐此鈺于此日茅塞頓開乃更端
以請曰先生此番訓示俾鈺得聞生平所未聞矣但
傷寒不作傷寒讀而欲作非傷寒讀紛紜錯亂從何
處着手眼先生乃語鈺曰讀書有法貴在窺縈要會
處領及古人之意孔子固有春秋矣讀春秋者不以

春秋二字讀春秋而從褒貶予奪四字上讀春秋自
一字一句一節以推及全部春秋處處皆有褒貶予
奪四字法爲手眼則何必春秋雖廣之廿一史無不
可作春秋讀之矣讀傷寒論者不以傷寒二字讀傷
寒而從表裏府藏四字上讀傷寒自一字一句一節
以推及全部傷寒論在在皆從表裏府藏四字法着
手眼則何嘗傷寒雖廣之百千萬句形怪狀之病無
不以傷寒該之矣此二者俱重在無字無句處讀
出古人筆底下意旨來不從字是字句是句還他個
肖似而已若只從字句上工肖似則孔子曰知我者

其唯春秋乎。罪我者其唯春秋乎。詮而釋之者又何。難曰。孔尼父云。譽我者其唯青帝白帝乎。毀我者其唯青帝白帝乎。今人以傷寒詮釋傷寒論字句者。類皆從青帝白帝詮釋春秋字之秘法。廣而銓釋傷寒者也。以此等詮釋之。法最易。摭拾靈樞。鋪填素問。炫其工。且核狀貌衣冠儼狀。去而神氣遠矣。余前云。唯其盜之內經。所以失之。仲景者以此。銓則從而堅請曰。不以傷寒讀傷寒。而以表裏府藏四字讀傷寒。誠爲秘訣矣。不知表裏府藏四字。從何處覓端倪。先生曰。古人著書。必有次敘。次敘中便藏着端倪。凡著書

必有引子。仲景之自敘，卽傷寒論全部書之引子也。讀此引子，方得作論之故緣。傷寒二字，久爲庸醫竊來惑世，以此殺人者不淺。仲景深爲之創，特視世人所惑爲之立說，以翻駁之。此之謂論論是字，法蓋攻傷寒，非演傷寒也。得其字法，方可讀全部論。讀之從二脈法始，蓋表裏府藏分署于六經者，祇屬呆位次。從呆處得活法，須于表裏府藏中辨出虛實寒熱來方識病之有本有標，有主有客，有真有似，有異有同。此其樞紐全在脈上，二脈法上有了樞紐，自然以我之虛實寒熱活處用六經而不爲六經之表裏府藏。

呆處用撥動樞紐遍體皆張。痿濕喝而下。以及六經無非鑠子骨矣。此卽論之冒也。從此便可讀六經乎。未也。欲讀六經須明其例。例在防似病有脉异而經則同。亦有經同而病實異者。毫釐千里。須得其別。方可破似六經皆作如是觀。痿濕喝其例也。承上起下。此爲論之頸。有了別法。六經乃可分而布之。迭而銓之。參差錯綜。比屬互而照之矣。曰三陽三陰從表裏。府藏四字。畫疆界也。曰太少正厥從表裏。府藏四字。別職司也。曰之爲病從表裏。府藏四字。署年貌也。曰某方主之。從表裏。府藏四字。定丕蔽也。直從人身中。

行申畫郊圻慎固封守之法一有病邪竊發可以換
查屬何地方何人掌理犯者係何模樣所犯合何款
律表裏府藏可分而轄之亦可翻而較之罪人斯得
無復彼此影射累及無辜此爲論之腹至于經雖已
定防有詭吾經者裏可混表藏可亂府如霍亂之詭
傷寒此其類也所當畧證而詳脈法雖已定有難泥
於法者表裏不分府藏難擬如陰陽易之燒裊散瘥
後病之枳實梔子等湯從意治也一皆畧脈而詳證
二法又補出六經之辨例來此爲論之小結乃若此
書之作全爲庸醫剽竊內經妄言傷寒者設胸無脈

恣○徒○狀○亂○經○臨○證○胡○謬○不○過○引○一○篇○熱○病○陽○熾○陰○虛○
之○六○經○妄○加○諸○傷○寒○陰○盛○乘○陽○之○等○病○而○以○熱○病○刺○
恣○之○汗○泄○妄○移○作○湯○丸○藥○治○之○汗○下○此○處○源○流○大○差○
以○後○線○索○都○亂○矣○始○不○過○模○稜○處○治○殊○不○投○機○繼○亦○
欲○平○穩○避○咎○反○增○大○劇○對○證○照○用○古○方○到○手○罔○非○荊○
棘○迨○至○客○熱○煩○蒸○虛○陽○喘○促○胸○膈○滿○悶○二○便○秘○塞○病○
從○虛○壞○又○不○得○一○救○壞○之○法○從○前○剝○盡○內○經○到○此○博○
一○傳○字○殺○人○此○無○他○胸○中○着○了○傷○寒○二○字○魔○一○切○病○
之○本○標○病○之○主○客○病○之○真○偽○與○異○同○總○不○識○也○妄○剝○
之○經○究○竟○病○之○表○裏○府○藏○不○明○白○也○所○以○不○明○自○着○

二脉無有入門表裏府藏中之虛實寒熱無着落也
凡屬病來都在疑倡蒙昧之間不汗無法汗輒亡陽
而動經不下無法下輒奪穀而損胃舉聖人扶陽建
中大旨悉壞于小人表裏兩剝關頭苟欲破迷救敝
非從此處大設防閑不可故終之以可汗不可汗可
下不可下焉其可汗不可汗可下不可下者以病有
此一經之實卽有此一經之虛有此一經之熱卽有
此一經之寒非表自是表無關於裏裏只是裏無關
于表也推之府藏亦狀經雖一定而虛實寒熱自是
變動不常須在脉上定得樞紐方可參以六經之證

此爲論之大結。凡仲景一書源源委委。章有章法。起承轉繳。一照論體結構。其間大旨。只是設六經以網盡衆病。非曰傷寒始有六經也。故叮嚀告誡。無非教人尋余所集。從前後參差。彼此互換處。簡別出見病知源之法。以後臨着卒病。自不至爲傷寒二字印定。眼目總全論之端倪。全在此。是以字有字法。而不在字句。有句法。而不在句處。處處現有靈機。層層包着。巧訣妙意。精思旁見。側出。都非尋常行墨所可宣發者。貴在善讀者。領畧及表裏府藏四字。於字句中。字句外。無處不幫。有辨字辨中。更着辨直於表裏府藏四

字○從○脉○上○還○他○個○虛○實○寒○熱○明○白○久○當○闢○盡○傷○寒○方
能○醫○得○傷○寒○使○萬○病○歸○宗○於○六○經○六○經○歸○宗○于○二○脉
此○法○也○無○已○則○有○吾○所○註○傷○寒○論○之○後○條○辨○在○錄自
此○日○承○先○生○之○訓○片○言○隻○字○無○非○破○盡○千○古○之○鴻○濛
醒○及○從○來○之○昏○瞶○亟○望○此○書○之○出○以○廣○世○而○艱○困○者
久○之○今○幸○剗○剗○告○成○日○月○慶○中○天○矣○有○此○第○一○部○註
以○輔○翼○仲○景○方○顯○出○仲○景○第○一○部○論○以○輔○翼○內○經○從
前○妄○為○剽○竊○者○方○嫌○仲○景○論○中○缺○去○春○夏○今○則○聖○言
洋○洋○不○特○四○時○之○氣○咸○具○而○垂○教○定○法○比○類○屬○辭○得
為○仲○景○一○部○扶○陽○宣○化○之○書○得○為○仲○景○一○部○正○名○定

位○之○書○得○爲○仲○景○一○部○章○顯○闡○幽○之○書○得○爲○仲○景○一○
部○防○微○杜○僞○正○失○救○誤○之○書○傷○寒○云○乎○哉○天○道○浹○人○
事○備○不○有○先○生○幾○沒○仲○景○則○此○一○部○傷○寒○論○豈○曰○醫○
世○醫○民○直○將○鑿○盡○叔○和○來○千○百○年○前○後○鑿○傷○寒○之○鑿○
此○之○謂○大○醫○大○鑿○必○本○於○大○儒○先○生○爲○海○陽○名○碩○髫○
年○輒○以○寇○軍○補○博○士○弟○子○員○生○平○著○述○甚○富○雖○屢○戰○
棘○闈○不○售○顧○馳○聲○菽○苑○者○垂○三○十○年○經○明○行○修○從○而○
問○字○者○踵○相○接○也○邁○值○申○酉○避○地○來○吳○乃○去○儒○而○醫○
遂○爲○大○鑿○只○此○後○條○辨○一○書○雖○云○註○傷○寒○論○而○靈○心○
慧○眼○究○極○天○人○其○間○申○明○論○辨○揭○出○扶○陽○自○成○先○生○

25-8
一。部。通。經。原。道。之。書。自。成。先。生。一。部。闢。邪。辨。惑。之。書。
自。成。先。生。一。部。搜。源。晰。委。之。書。自。成。先。生。一。部。簇。發。
神。機。連。貫。氣。脉。之。書。傷。寒。論。云。乎。哉。作。者。聖。述。者。明。
自。有。仲。景。誰。是。先。生。小。子。銜。之。受。知。于。先。生。受。益。于。
先。生。最。深。欲。求。一。言。之。幾。于。道。以。輔。翊。先。生。之。書。如。
先。生。之。輔。翼。仲。景。以。輔。翼。內。經。者。而。不。可。得。淘。之。汰。
之。不。禁。其。述。之。長。敘。之。冗。媿。及。問。答。之。詞。竊。附。先。
生。卷。尾。于。不。朽。云。康。熙。辛。亥。受。業。門。人。王。式。謹。跋。

